

昌化縣志卷之七

關梁

舖遞附

設三關之險阨通數郡之津逮以昌爲僻左乎
實亦一大都會也元末倣擾旋即克復今且蒙
太平之洪庥清風至而塗畛修天根見而杠梁
飭有利涉之用無門庭之寇是可慶也志關梁
第十六

昱嶺關

在縣西七十里高七十五丈爲徽杭通衢

有石刻江東路徽州界六字山勢險阻元董搏霄

破紅巾賊於此上有碑亭

浙江通志 昱嶺關地勢險阻右當歙郡之口東

瞰臨安之郊南出建德之背置關於此蓋三郡之要會也元至正十二年徐壽輝遣項普畧等掠徽饒信諸州遂陷昱嶺關寇於潛搏霄擊卻之已而群賊復自昱嶺關寇於潛搏霄擊之復收昱嶺關十七年徽州為賊所破元將李克魯會軍昱嶺關敗賊兵於關西遂復徽州既而明太祖自金陵南下寧國克徽州道昱嶺敗克魯之軍取建德路於是兩浙版圖以漸平定昱嶺信為西面之咽喉矣元王禕昱嶺關銘并序昱嶺在杭徽之交因山為險與千秋獨松稱三關而三關莫險於昱嶺國家既奠南服建江浙行中書省治於杭故杭於今為大藩視三關蓋要害也至正十六年二月劇盜自徽來犯昱嶺守關帥臣望風退北盜遂入關掠內境於潛昌化皆杭屬縣師喪眾暴鞠為盜區今江南行臺監察御史構李沈公時為行省左右司都事受丞相命總督戎事首布書檄開諭黎庶

示之恩信使與賊攜遂分諸軍四道而進約並會關下復遣一軍逾關而出設為疑伏截其奔衝號令堅明莫或逾越三月既望我軍抵昌化與賊屢戰乘勝追逐過車盤嶺二十八日諸軍如約會集關下即以其日收復關門盜雖有險不能以為固矣時驕將或桀驁不用命公單騎自臨安道新城度浮雲嶺越於潛召父老慰撫之眾皆感泣請歸自新因率民兵與大軍合據關為守聲威益揚遐邇震疊未幾徽之境土相繼率平矣竊惟易稱王公設險以守其國春秋書戍虎牢鄭之險不繫諸鄭責鄭不能守也今公雖忠勇義制師律昭信布德以厲民衷克綏叛徒式遏亂畧致是險阨薦歸版圖駿功英名將與昱嶺爭相雄偉於悠久徵諸大易春秋之義誠在所足嘉宜勒銘詩用示永世其辭曰皇帝在御天清地寧孰作弗靖干我太平有蠢寇徒蟻聚蜂結乘間竊發構禍與孽杭徽之交巍巍大山維天設險界山為關其險伊何勢勝形阻劔門陋蜀武岡鄙楚寇徒憑陵闖我關門我

險彼據事垂理屯有偉沈公其氣浩浩乃率王旅
乃致天討兵威所臨曷追殲鯨鯢虺蜮蹤消跡
潛亦有亂人苦我赤子恩言載加請命效死維時
沈公威恩並宣底定披攘夷視阻巖巖茲闕我
險我有孰猶敢闕壞我之守昔壞今完昔塞今通
僉曰匪他沈公之功公曰敢哉丞相命我丞相之
勲我居其可丞相曰唉天子明明凡茲武功厥繇
皇靈皇靈攸被與山無極紀實作詩刻在山石元
徽州吳訥克復昱嶺關寄仲玉府判吳用賓司獄
官方煥文參謀鄭子美待制詩鼓角聲雄隊伍齊
揚兵曉戰昱關西黃金匣動雙龍出赤羽旗開萬
馬嘶露布不煩諸將草詩篇還為故人題沙溪春
酒甜如蜜醉臥花陰聽鳥啼又十一月二十日退
保昱嶺關詩萬騎蕭蕭駐碧阿角弓難敵雨滂沱
臨危莫道忠臣少苦戰猶聞壯士多已判捐身清
海岱何憂流血染江河兵家勝負尋常事佇聽闕
前奏凱歌又昱關行昱關鐵騎爭馳突白羽紅翎
送金鎗可憐五嶺之中間朽骨芒芒照寒日賊徒

散走東南回却倚黃連足堅壁四面長圍築已成
砲架崔嵬向城立自知九死不一生猶捲朱旗戰
原隰君不見韓將軍陷陣常
呼萬人敵我當從之斬妖賊
蘆嶺關 在縣東十里為於臨衝要明崇禎十七年
流寇犯境邑令劉鼎加築堵寨守之

楊嶺關 在蘆嶺之南邑令劉鼎建

黃花關 在縣北六十里寧浙接壤屬古名關最稱

險要

千頃關 在縣西北七十里

馬頭關 在縣北九十里

嶠嶺關 在縣北九十里以上三關俱寧績要路順

治初寇掠邑令李人龍設土兵防禦於此

城下舖 在縣左二十步東西各一十八弓俱界至縣官牆南一十弓界至大

官街北一十弓界至縣官牆

蘆嶺舖 在縣東十里接於潛之太陽東一十五弓西一十七弓

南一十五弓北一十弓俱界至官牆

下營舖 在縣西十里東一十一弓界至許田西一十一弓界至何田南一十一

弓四尺界至大路北一十一弓三尺界至宋家田

堪村舖 在縣西二十里東八弓三尺零至田西八弓五分零至田南七弓一

分零至溝北七弓二分零至田

朱柳舖 在縣西三十里前四弓五分至大路後三弓四分至常平倉上三弓

四分至常平倉大門下五弓五分至倉牆

義干舖 在縣西四十里東十一弓四尺至陳家衆地西十弓至牆南六弓至

陳田北八弓至大路

舖橋舖 在縣西五十里東西南一十一弓俱至官牆北一十一弓界至大路

雲溪舖 在縣西六十里東九弓六分至王便田西九弓六分至小路南五弓

至王田北五弓至坑

長春橋 在縣治東一里舊名光化洪武二年邑令

李質重建改今名後令周凱屬邑人余進昌建有

屋七楹久廢萬曆間邑人帥文建三元閣於橋上

雍正六年余姓復建明邑令吳之瑗長春橋亭碑

越間縣治之設始於唐宋淳熙時公署故址僻居

萬山叢嶽中襟帶夾於溪山倚武隆而鍾靈勝惟

是紫水衝入明堂巽峰飛遞水口堪輿曾言闕一

方人文物力興廢先是令茲邑者諭民於峯巒之

南建寺監塔是時咸稱人財稍盛獨巽序東山之

麓有澗水無直鮮納名曰收震虛空人財匱乏後

之繼事者亟欲鳩工建廟備為闔邑鎮守苦於民

力勞傷竟爾未果邑人帥蓮幕諱文別號泮泉者

宋邑令帥公嫡裔也世籍鳳陽濠梁時濠為金人

所據寄止是業至今唐昌有帥公子孫兩派遣趾

惟蓮幕帥先生卜宅於巽序之側才猷練達有魏

晉儒風先拜官吁哈尉解組歸來棲遲林壑時集

前學博表素菴等輩登眺于東山之上蓮幕嘗輒

然對諸君嘆曰四顧山轟而拔水清而駛吾昌可

稱文獻邦也柰何坎水深瀉連歲財賦盈縮不常

人財輒軻不繼此闕乎一邑人文之繫吾輩得無
慮乎歲丁酉先生即捐資百金建長春橋亭為安
憇之所越明年倚山驅石復建樓閣數楹下祀漢
壽亭侯上設三元泊白衣大士像且扁其閣為三
元釋子焚修其中鐘鼓聲殷殷日震也稍折而上
百餘武松筠蘭蒹葭帶轆轤閣之左岳局岭壑形
勢崔絕隨山布置重建宋邑令帥公祠宇上下各
四楹工既告成巍然聳壑真東廓之奇觀極眺憑
欄足以供騷人墨客之清賞也於是巽峯屏南紫
微枕北一時水口融毓鬱為人才奮起之鄉迄今
都人士尋芳覽勝其間仰止山靈物萃之應實帥
蓮幕興剏之盛蹟也余以戊申叨命茲邑首簡以
吾民興革事宜詢咨於鄉賢父老既閱城登覽大
觀蓮幕功績甚有裨於吾民風教而博學和鼎王
公滌虛魯公且備述蓮幕盛德余惟嘉尚蓮幕高

士風敬令楮君紀其事以勗後之鄉士夫
時萬曆三十七年己酉春月上浣之吉

亢橋 縣東五里乾隆十年余姓合建成化府志作杭橋

絳橋 縣東蘆嶺鋪下余永隆建

葛坑橋 縣西三里邑典膳戴琥建

晚溪橋 縣西六里鼎山下一名東清橋咸淳臨安志縣西九

里萬曆杭州府志縣西八里

塌水橋 縣西七里明邑人徐涇徐仁倡眾同建邑

令黃昇記石後令鄭國士周洛都又相繼重建今

圮

白牛橋 縣西十里明許致何珍貴率眾建御史楊

譽記石雍正七年圮里人重建

新橋 縣西十里里人何茂芳率眾建

下營橋 縣西十里

磚橋 縣西十里

九坑橋 縣西十里

仙潭橋 縣西十五里嘉靖壬寅義官陳子猷建亭

雙眉潭橋 縣西十五里巨溪渡之上里許

巨溪橋 縣西十七里水湍流急民多漂溺明邑人

陳子猷建後圯雍正二年績邑竹匠鄭明善涉水被溺若有神扶傍岸者卽矢愿削髮募建石橋棄妻子甘淡泊雪天跣足辛苦萬狀人感其義爭爲輸助橋成病故棺厝溪傍乾隆甲子大水前後咫尺皆遭漂沒厝棺獨安然無恙人以爲靈爽不泯云

永安橋 縣西十七里原名落子橋在巨溪橋西陳子猷建後廢萬曆十九年休寧吳繼良輸銀三千兩重建改今名落子成化府志作駱子

利川橋 縣西二十里堪村姚氏建

登春橋 縣西二十里堪村姚氏建成化府志云縣西二十五里

新溪橋 縣西北二十五里堪村姚氏建今圯

董溪橋 縣西二十五里

按咸淳臨安志有董溪渡在縣西二十里

百丈橋 縣西北二十七里堪村姚氏建今圯

坑橋 縣西三十里

萬春橋 縣西三十里舊有亭今圯

永安橋 縣西三十里先是無他溪止設官渡遇山

濤洶湧往來者常羈程累日萬曆十八年休寧吳
繼良捐金二千五百兩建橋於無他溪之下里許
翰林侍讀王鳳翔記石今圯

楓林橋 縣西北三十七里

五聖橋 縣西四十二里王滿童子相協衆建後廢

休寧吳繼良輸銀二千兩重建康熙癸丑邑庠生

潘之瀛修邑令周頌孫復修五聖橋記邑西五十

復建也繼良於昌建橋者三無他之永安暨落子
之永安耳邑志載昔王滿童子相協衆所建後圯
繼良復建之余偶以按踏之行過橋停車觀其屹
峙中流儼有飛虹插竦之勝爰詢先後爲功於橋

者僉謂建自吳君而接踵于邑庠潘生之瀛因按
昌邑纓巒帶流自昱嶺東與峰石相潑洄受蜃揚
二溪水而會於五聖橋夫此橋之未復也水漲則
渡以扁舟然至雷雨驟集羣流翼注浪湧波襄兩
岸往來望如海若甚至漂溺比比繼良心竊傷之
捐囊幾千金鳩工伐石經始修復約長八尋廣二
尋名曰菘渡橋岸立五聖神鎮之故因以名利濟
者數十年厥後蛟挾巨浸來與橋相持莫肯頰出
橋下衝裂其面去不有興修保無前功日圯耶潘
生好義士也篤孝懿行著於閭里築碎石山灣數
百丈易崎仄而爲莊衢復舉五聖橋葺之揮金蓋
數百計利澤被行路者彰彰焉倚歟休哉事有天
勝有人勝天勝者水爲政人勝者橋爲政而前人
之勝又有賴乎後人之勝況是橋也徽杭孔道吳
倡義于前潘嗣美於後民不病涉勿替引之倘有
聞潘生之風而起者則吳君之功德永賴以不墜
矣

頰口橋 縣西四十里宋錢融堂題詩云好月留人

頰口橋今改為萬緣橋圯

官橋 縣西四十里

橫溪橋 縣西四十八里 成化府志云四十里

舖橋 縣西五十里

永寧橋 縣西五十二里僧了達募建 王守矩永寧橋記邑西大

明山有永寧橋焉寺僧了達所重建也初名大溪橋今易以今名進橋數里即慧照寺唐宣宗隱跡之區鹽官悟空禪師叔業之道場上有鷓子峯白蛇巖崑崙石七峰尖諸勝其最稱奇觀者為瀑布山高千餘仞奔騰澎湃如銀濤雪浪素車白馬從空飛落直瀉寺前雖晴霽常如殷雷驟雨時當春

夏如嚴冬沁入心脾不寒而慄特是地處山陬僻壤為行旅往來孔道無論樵販肩摩踵接而邑之西南路嚴之淳遂徽之歛績江右之饒廣皆視為捷徑日逐絡繹而至中隔是溪為瀑布咽喉兩山夾岸流甚駛遇山水驟發溪不能容時泛溢於山腰樹杪間先第架木為梁後更以石石橋之建實明初僧性彛始二百年來人稱利涉崇禎時橋為洪水衝圯人不能渡其或渡此者率覆沒歲輒有入以故往來商旅雖行李載塗及騷人隱士慕慧照之勝槩想高人之遺蹟思欲一過者每自厓而返夫是寺也天產此奇峰怪石飛泉為各省之要津游覽之名勝復設此大溪洶湧之勢間隔之豈清淨法王之宮不許外人問津耶雖然事之廢舉有時得其人乃成不得其人天寧留古今一大缺陷事以俟之了達者性彛之後嗣也念性彛鳩工伐石歷艱辛而建此橋竟以圯廢身為其後不能仰承先志而重建之是使性彛之鴻功苦志一旦而墮也緣與徒孫心能矢志僂力肩榘募叩欲一

續其先緒肇始於乾隆庚申十月落成于壬戌十月既成丐記於余余曰諸佛皆濟度一切衆生了達肯使沙門法界中作苦海沉淪哉顧一橋耳前唐宋元明間數百有餘年而得性彞後閱百有餘年而得了達前後成毀不一曾無一人舉而行之天若遲遲示不欲遽待性彞了達之相爲繼繩也者又若靳不使他人而必待性彞了達之成此不朽之巨業者今而後高人逸士登鷓子崑崙白蛇諸峰觀飛泉瀑布暨往來行人逐蠅頭趨便道者行將歌坦途登道岸無復向日臨流而歎之恨矣其以永寧名者願茲橋千萬億劫一成不壞預爲橋壽也余嘉其意因記之石

柳下橋 縣西六十里龍塘山下

蜃溪橋 縣西五十八里邑人程翥建

橫橋 縣西八十里

雙溪橋 縣西八十五里

太平橋 縣西八十里

仁里橋 縣西九十里

楊溪橋 縣西北九十里

市溪橋 縣東南一里畢永忠建

童婆橋 縣東南三里明隆慶間許相卿許大作建

後廢許炳重建

河橋 縣南十五里

首塲橋 縣南二十七里成化府志作首塲橋

伽溪橋 縣南二十里 成化府志作伽橋

七仙橋 縣南二十五里柳溪

金村橋 縣西南三十里

社丁橋 縣東南三十里宋人建西有鄉社壇

蒲村橋 縣西南三十五里 咸淳臨安志作蒲源橋

龍鬚橋 縣西南三十五里龍鬚嶺下

玉泉橋 縣西南五十里宋建下有潭澄清故名

覽溪橋 縣南三十里

梯雲橋 縣南三十里宋章鑑章鑄兄弟聯第故名

狀元劉夢炎書扁

百佛橋 縣南三十里法會寺前

楊川橋 縣南三十五里

俞村橋 縣南三十八里宋季俞村人建 咸淳臨安志縣南三十里嘉靖縣志

十里嘉靖縣志縣西南五十里

大橋 縣南四十里舊名益西

烏獅橋 縣南四十三里

湍溪橋 縣南四十五里

縣前渡 明正德間水南許國忠陳言於監察吳華

設

林村渡 縣西二十里舊置橋名平政宋奉使林光世改曰安西又名童溪題詩有飛瀑千尺壓清溪之句又名董溪後廢明洪武十年邑簿陳景中設夫船後船廢人病涉堪村姚倫言於官復設

巨溪渡 縣西十七里陳子猷建石橋而渡名巨川又名蘧溪崇禎十三年水圯堪村姚舜哲設木橋并船以濟人德之

平葛渡 縣西南二里灘園戴氏大埂外渡北舊有

亭名立沙

泥晶渡 縣東南五里

頰口渡 縣西四十里

高犁渡 縣西南八里白牛橋下

嘉靖縣志云在龍田鐵甲山下

雲老渡 縣南十里明萬曆十九年邑令周洛都建

鎮龍渡 縣南二十里

上水南渡 縣西南一里

下水南渡 縣東南一里

水南渡 縣南一里

○ 下阮渡 縣東南十五里康熙己亥里人胡希勳建
浮橋三十餘級又助田立會以備修葺

○ 無他渡 縣西二十七里九都王珉以病涉言於官
始設

按咸淳臨安志已有
之不始于王珉也

○ 石鵬渡 縣西三十里

○ 官橋渡 縣西四十二里後建五聖橋遂廢

○ 板橋渡 縣西北六十里明萬曆十九年邑令周洛
都建

郵政

甚哉聖王之愛民深而恤民周也爲之倉廩以
救其凶荒爲之醫藥以扶其疾病爲之葬埋以
掩其胔骼推而至於一鄉一邑澤罔不徧焉昌
化亦一鄉一邑之推也矧其閭里之慕義行仁
者接迹不絕於世拯災救患而札瘥夭折得以
免者此也志郵政第十七

○ 存留倉 在縣東二十步明洪武二十一年邑令李
恒建今廢

儒學倉 在啓聖祠後今廢

常平倉 有二一在河橋一在百丈俱明景泰間建
義倉 在縣西五十里明萬曆間同山義民陳理買
田二百畝歲入穀三百石以周族之貧者儲其贏
以備凶荒今廢

社倉 明萬曆二十年邑令周洛都奉常督撫建勸
諭概縣十都每都立一社倉有力者隨愿輸穀積
貯本倉春中出穀冬初還倉每石加耗穀五升息
穀一斗少歉免其息大歉則次年還之喪病量出
之以相賙兵荒專恃之以保障輸穀之人流年接
管老人協查報數不送查盤總計十倉約穀本一
千一百有奇今廢

謹按社倉之法雖爲安貧實所以安富也蓋富民
第知愛財不思貧民不保其命富民得終保其富
乎今爲上者多爲積貯以念其民民獨不念其桑
梓乎况蓄穀旣多貧民稍可謀生租入自無負欠
亦未必非富者之利也吾昌人情敦厚正統萬曆
間慕義樂輸時不乏人茲願好義之士力行前法
卽於每畝扣租以爲社倉之本積散之法仍歸本
里擇里中公正者督司其事行之十年可免飢饉
真得藏富於民良法況富者未必長有其富卽其
後世子孫亦得叨其餘蔭矣

預備倉 在西城門內明洪武十九年邑令鄧周南

建後廢正統五年增設四倉勸民出穀以備凶歉

一在縣西半里許曰西預備倉所以別東倉也一

在七都潘口一在八都湍口一在九都頰口皆令

段愈隆建景泰間又建河橋百丈二倉今所存者

惟西預備而餘皆廢矣

嘉靖昌化縣志正統庚申博士丁智撰西倉碑云輸

穀者七十有二人何似海一百三十石王鉞一百石方德一百石許佛七十石徐以信二百五十石陳永暹二百五十石余敏一百五十石洪胖二百五十石許丙二百五十石鄭顯榮一百五十石共十人缺者五十一人維時許宗榮出穀四百石其尚義碑亦丁公所撰而倉石缺焉豈舊碑剝泐而後之重刻者遺之耶或宗榮之穀輸他倉未可知其子俊捐穀千石入百丈倉義聲克世亦可尚也

丁智尚義碑畧唐昌邑西五里曰西晚為許氏居厥祖邑侯得祥公周窮恤匱以陰德慶衍茂蕃乃今正統庚申幸際皇上體天行仁博施黎庶特命廷臣暨藩臬諸公徧歷郡邑募富民出穀儲義廩以備凶歉輶車至止宗榮踴躍奉公樂輸穀四百石為群黎先諸公奇之疏請蠲徭以彰厥義毘陵閔侯廷璋徵余文勒石記之觀者喑喑僉曰博施濟眾大聖人之好生也攄忠募義諸公之贊襄也積而能散公爾忘私非宗榮效忠慕義而能之乎殆將與古之范京吳歸千載一轍豈特為一時一鄉邑之名而已哉宗榮出穀受旌其子俊循循雅飭繼厥父志又輸穀千石邑中如許氏父子真可謂能續垂死之命拯溝壑之黎其賢於人也遠矣

萬曆十七年邑令周洛

都將糧長倉夫併在一年省二年倉夫役銀六十兩建厥二座分十二棧每都一棧以貯本年稻穀

空餘二棧以待倒盤中建穿堂省搭篷廠官民交
利 國朝仍其舊址原存舊廩九間雍正七年邑
令紀遠宜建倉十間雍正八年署令羅緒建倉五
間東西改建三間又十年於縣堂東贊政廳改建
三間乾隆十一年邑令甘文蔚於縣堂西建倉二
間十二年又建一間新舊共三十三間貯穀共一
萬三千一百一十九石零外又各都輸存社倉穀
二百五十二石八斗零并貯於內

按郡縣設立倉穀資民食備賑濟也顧法久則弊
生利興則害集如昌邑山陬僻壤稅田僅四萬四

千畝戶約二萬有奇丁約十三四萬有奇統計每
口不過食田穀半畝之入故居民糊口四方者十
之四五本地所產實不足以養本地之人考向例
漕月二米必俟糧戶向震澤等處採買搬運上倉
如更加以本地派買倉穀則民食愈艱民生愈促
矣矧派買之病民又不止一端已也自雍正七年
設立倉穀以來司牧者每值秋季飭倉書查照歸
都糧簿自糧一兩以上逐名派給穀價包號殊封
令各都鄉保挨庄分發及人戶上納風扇概量因
緣爲奸包攬侵欺上下其手莫可誰何又昌多層
山峻嶺鄉僻愚民罕跡城市肩運到倉近者往還
一日遠者往還數日以脚費飯費計之或賠一二
錢或賠三四錢不等甚至穀雖上楚但有收簿鮮
發執照胥吏或失記或訛載至總核時復行左挈
愚民懼法畏罪隱忍吞聲敢不重納且派糴後穀
雖不因此遂空然田畝產穀只有此數聚於倉者
既多則在地之穀勢必漸少穀漸少則穀價勢必
漸騰是良法美意奉行不善適爲民病乾隆七年

生員潘憲等備情公籲 府憲單奉札杭屬倉儲
例赴隣境採購不許就地買補據稟各款似有所
見仰昌化縣嚴禁速報時甘令遵禁在案每歲糶
三存七借糶兼行其糶穀之時至秋收後令着丁
役賫價自赴隣境產穀地方採購補倉並不派賣
本地顆粒自是殷戶得免累賠窮民得資接濟宿
弊頓清民間遂沾
倉儲之實惠云

○ 昌化倉 在湖墅本邑兌軍舊無水次每遇交兌旗

軍需索到舛酒席且貫棧堆糧所費甚鉅明萬曆
十九年邑令周洛都申詳會同新於二縣各買倉
基建立厥棧以杜旗軍需索且免糧長貫棧之苦
惠民藥局 在縣西宋令章伯奮建元置在縣東門

三皇廟左明洪武三年徙置宣和坊東今廢

○ 養濟院 宋開禧間邑令章伯奮立養濟院田五十
畝嘉定間常平使程秘以筮仕此邑撥錢置居養
院田一十七畝歲久養濟田十失其八居養田十
失其三淳祐八年令葉采請買官田於府益以他
費買田遂足元額白之倉臺以養濟院田隸治平
寺居養田隸佑聖堂各命主首掌之主簿司出納
吏不得干預元仍其舊元末田廢明立養濟院一
於舊城西嘉靖辛丑邑令馬逢伯重建中爲恤孤

亭東西列屋共十有二楹 國朝康熙六年邑令
劉宗向復葺之

○漏澤園 一在縣西二里鳳凰嶺下宋置官地 一
在縣東接官亭內明萬曆十九年邑令周洛都奉
按院明文價買民徐中和山地八分哀土築墻採
石樹表 一在縣西一里下灘園戴家業 一在
縣東接官亭外耆民潘夙業又萬曆三年帥文捐
縣北破塌塢已地三畝爲義塚邑令陳夢旭帖據
國朝康熙十一年邑令周頌孫着老人丈明石

址如故 一康熙十一年遵奉撫院范置買廣孝
阡邑令周頌孫捐俸置紫口村地一業 一戴薇
垣捐外後營龜山後地一畝 一許廷綬捐黃頭

塢殿灣脚坡地五分 稅糧許
戴自認 申報蒙院旌額 一

雍正八年貢生章培捐縣西書堂基地一業 四至
載在

暨碑稅
糧自認 後骸棺難容復捐同處地四分申報蒙憲

獎勵 一邑庠生余鎮捐建縣東二里許義塚塔
一座 一雍正五年郡庠生王式夔捐建縣西四
十里岐安庄義塚塔一座并助塚地一業 一在

昌化縣志卷七
縣西九都朱柳古樓山脚地七畝三分王克明助

一在縣西三十七里佛子嶺脚地一業東至水溝西至

坎南至溪
北至大路

助 一在十二都胡家庄盤坑

嶺地一業胡五義助年久被佔五義裔庠生胡浩

英貢生章培損資清完舊業 一在四都中塢裡

地一業胡希勳助 一在八都余山頭地一業朱

燮元助

昌化縣志卷七

昌化縣志卷之八

水利

昌山國也谿迴澗繞與江通波沃壤饒衍畝鍾
一石利實源此然而濤奔峽束水恒挾山之勢
以與地爭潰隄決防歲屢見告所恃人力補塞
則塘堰之利不可以不講也志水利第十八

嘉靖昌化縣志按察分司蔡公問水利於邑博士張
南溪先生屬諸生戴弁對曰粵稽昌之山勢皆自
西來水原因之大要則南條北條然又各有支流

總名則曰溪周禮謂兩山之間有川焉是也姑以
其大者言之其西北有六一發源於昱嶺過頰口
又東爲巨溪又東匯爲灣水潭南會於河橋一發
源於蕨箕田經同山會於頰口一自寧國縣經百
丈麓入巨溪一自千頃山至箕山而入晚溪一自
七里洞至雙溪合沿水坑一出塌水橋而俱入晚
溪一發源於黃花關逆流出長春橋而入於灣水
潭其東南有五一發源於大明山東過龍鬚橋石
鏡山會於河橋一過銅坑分爲沈溪出章村而入

於大溪一過銅坑分爲貢源以入於大溪一過銅
坑分爲良溪而入於大溪二條之間雖南北分播
不齊皆合流過小柳大柳經分水會桐江而入錢
塘然由西而東形勢寢下利於田則作堰六十有
五別作溝澮以引之卽周禮所謂以防止水以遂
均水其間有官立之長者有私舉爲首者皆所以
率工修築然其田之近溪者旱則上流可壅澇則
下流可洩頗爲民利乃若不成溪流者則旱澇無
可恃昔人常因澤爲塘者三皆屬於官一在朱源

一在泥晶一在雲老各立長以遞領之此之謂以
蓄蓄水亦周人遺策也葉文康曰水以利名順其
道以利民也而不可泥吾昌大槩西北多堰而山
麓非堰水可濟則當各爲小塘以溉之東南多瀦
而山泉可通者則當各爲小堰以壅之是可收全
利矣

萬曆杭州府志昌化在萬山中形勢巒岈無平原曠
野以陳修疆畝故雨易盈暘苦涸多旱少澤其所
恃爲水利者惟塘與堰而已然塘以瀦水宜陵阜
而堰以節流宜川澤故西北近溪多堰東南遠水
多塘勢使然也顧西北雖多堰矣至柳嶺西東百
丈嶺南北凡溪所不灌者獨不可廣爲之塘乎東
南雖多塘矣迺龍門之七坑歷溪之白牛隔坑之
後熊虞溪之溜沙高堰其泉可壅又不可不多設
堰也

戴經邦纂修水利記環昌之塘四本來無源因旱澇
爲盈涸苟深濬而固其堤則旱不竭而澇不溢殊
稱便易第灌田無幾耳若堰則利溥而工百倍焉

如溪之西北諸堰自酆茶竹山獅石而下灌田三萬餘畝東南諸堰則洪嶺潘干瀆溪等處所灌亦以萬計民生國賦蓋其重哉第昌之堰勢有二在山澗者長不過十數丈令堰長督同人戶鑿石堅砌使通溝洫不時補塞卮漏則成工易在大川深溪者延袤百餘丈方累石扞泄一遇山濤四出奔流衝激則飄石如蕩芥復夷而爲灘爲沙礫矣且平時商船往來每每拆損隄築妨農事尤甚爲民生慮者當令有田之家計畝出銀堰長一一書簿募工爲石堰高若干尺長若干丈堅固若城塹則湍悍無虞也不則於近堰之所共置山一段蓄篠備築屆春夏令貨船便帶土石以助修砌則不惟農工商賈兩利俱存且使堤不闕而上田揚塵下田龜坼之患免矣

塘

湖塘

在縣東南五里泥晶五畝萬曆杭州府志灌近塘處所田

雲老大塘

在縣東南十里深一丈五尺東西長七十二丈南北闊五十九丈計一十畝四分三釐溉田三頃三十畝七分咸淳臨安志在吳安鄉萬曆杭州府志在大塘之下灌景坑田

安鄉萬曆杭州府志

在大塘之下

泥鼎陂塘 在縣東南一十五里深一丈五尺長一百九丈闊一十九丈計一十四畝溉田二百

一十五畝咸淳臨安志在吳安鄉

赤源西塘 在縣南一十五里深一丈七尺長七十七丈闊四十丈三尺溉田一百七十二畝

已上俱明洪武二十九年工部差人材李榮等到

縣開挑

朱源塘 在縣西南十五里計一十五畝一分七釐溉田一項七十二畝九分八釐萬曆杭州府志

在朱秀之左 灌下阮坂田

梓口塘 在縣東五里萬曆杭州府志在師姑山左灌塘下田

泥浪塘 在縣東南十五里萬曆杭州府志在浪山之右灌泥浪田

堰

前村堰 在縣西北七十九里萬曆杭州府志桐江之水自荆洲而來二十四里為前村堰灌後坂

田

楊舒堰 在縣西北七十三里萬曆杭州府志前村堰又二十五里為楊舒堰灌車園坂田

王村堰 在縣西北七十九里成化杭州府志溉田三十畝萬曆杭州府志楊舒堰又五里為王村

堰灌華光田

岸堰 在縣西北六十二里

自堰 在縣西二十里萬曆杭州府志王村堰又四十里為自堰灌堪郵田

北郊堰 在縣西十七里萬曆杭州府志自堰又二里為北郊堰灌上營坂田

巨溪堰 在縣西十八里自堰與竹山堰而下同匯於此成化杭州府志一名上營村堰溉田六百畝

高梨堰 在縣西十里梨一作犁成化杭州府志溉田一百一十畝萬曆杭州府志巨溪堰又八里

為高梨堰灌下營坂田 在縣西八里成化杭州府志溉田二百五

白山頭堰 在縣西五里先是築以灌塔園裏田屢被

石壁灣堰 在縣西五里為地乾隆九年大水成地盡變

沙洲邑令甘文蔚出示勸諭委典史汪自孔估工督令各業戶與築大堰數百餘丈以防水激十二

年復被水衝八十餘丈署令王元音典史汪自孔捐俸邑人章拾資倡率各業戶補築完固

下阮堰 在縣東南十五里入白下潭成化杭州府志

為下阮堰灌泥晶田及碓 在縣東南十五里成化杭州府志溉田一百九

東堰 在縣東南十五里成化杭州府志下阮堰又三里為東堰灌

田朱九 乾隆八年東堰堰長藉端勒索商船銀米邑令甘

文蔚單騎親勘責革陋規酌定堰壩分水丈尺委

典史汪自孔督令東堰南北兩庄業戶遵式砌築

詳憲勒石永遵邑侯甘文蔚革東堰積弊記昌西

南皆山大溪貫其中直注錢江而入于海而田之

灌漑舟之轉運皆於溪焉是賴獨是昌山多田少

一年之所獲不足支半歲恒乞糴於外郡以及鹽布百物之所需皆取給於蘇松杭紹而買舟以運之苟夏而水冬而涸舟不得前則邑之嗷嗷如望歲者什二三顧自大小柳至鬪水港堰不止數十

餘舟行俱無所阻滯獨朱九東堰南則下阮北則雲老共為一堰而惟下阮堰長藉以志載戴經邦水利記內有便帶土石之語頓起利計始則不論多寡止索例規繼則欲遂方休無求不得甚至日復一日弊竇叢滋自春三月以至秋八月設為堰長伺舟過索銀至二三錢不等而商亦安之若素蓋祇計舟行之迅速而不復論需索之多寡也其流弊亦有年矣至癸亥歲邑士余泗有米船過堰堰長覺而泗焉而躍諸船竟擊碎袋每斛自取米三數升以去船戶歸告泗以不問而取與盜何異即狀白署侯孫署侯申之郡尊檄下嚴禁之一時諸商賈咸稱義舉乃堰長利欲未息復糾人夫扛巨石磊諸港一舟過雖數十人牽挽不能越舟率鱗比堰下如堵民間鹽米無所取給而叫呼者遍市井適甘侯甫下車復以狀白侯侯即親詣堰面去其碍石疏通舟楫相其水勢之緩急度其溪面之闊狹而於堰中開砌船分計闊丈許從船分而上築兩直堰長各三丈南之直堰去下阮十五六丈北之直堰去雲老廿餘丈俾水勢騰湧入兩溝而中留一線以為船分上下委縣尉汪公督令兩庄業戶定築程式今南北兩坂之水且有餘而商船上亦順流而無患以其事申之郡尊單檄下勒石永禁而諸黠指勒需索之弊頓絕矣於是乎記

雲老堰

在縣東南十里自石壁灣堰與瀟溪梓口等堰同匯於此成化杭州府志既衝確磨在吳

安鄉萬曆杭州府志東堰又三里為雲老堰灌雲老田及確又三十二里為交潛烏金

林村堰

在縣西二十里成化杭州府志既田二千三百畝

祝家堰

在縣西四里

飛堰

在縣西四里

劉家堰

在縣西北八十七里

嶺下堰 在縣西五十三里

朱旱堰 在縣西十六里

後溪堰 在縣西北八十里萬曆杭州府志林村堰而

山干堰 在縣西五十四里萬曆杭州府志無他之水

朱儒堰 在縣西五十五里萬曆杭州府志朱儒坂田

禁頭堰 在縣西五十五里萬曆杭州府志朱儒坂田

大陳堰 在縣西四十五里萬曆杭州府志禁頭坂田

葛干堰 在縣西四十三里成化杭州府志溉田六十畝萬曆杭州府志大陳堰又一里為葛干堰

灌葛干坂田

南岸堰 在縣西三十八里萬曆杭州府志葛干堰又一里為南岸堰灌賴干坂田

楊溪堰 在縣西三十二里萬曆杭州府志南岸堰又二里為楊溪堰灌毛平坂田

頰口堰 在縣西四十里成化杭州府志溉田一百五十畝萬曆杭州府志楊溪堰又二里為頰口堰灌頰口坂田

楊干堰灌楊干坂田

楊干堰 在縣西三十九里自南岸與朱旱等堰而下同匯於此萬曆杭州府志頰口堰又一里為

下茆堰 在縣西三十六里萬曆杭州府志楊干堰又一里為下茆堰灌灰山田

朱浪堰 在縣西三十三里成化府志作朱園村堰云溉田一百四十畝萬曆杭州府志下茆堰又

五里為朱浪堰灌任干坂田

楊堰 在縣西三十里萬曆杭州府志朱

石鵬堰 在縣西三十一里成化府志作石朋云溉田三百五十畝萬曆杭州府志楊堰又三里為

石鵬堰灌
大干坂田

無他堰 在縣西二十八里成化杭州府志溉田一百四十五畝萬曆杭州府志石鵬堰又五里為

無他堰灌
許村坂田

郡干堰 在縣西二十七里萬曆杭州府志無他堰又五里為郡干堰灌郡干坂田

細干堰 在縣西二十一里萬曆杭州府志郡干堰又二里為細干堰灌曆村坂田又三十里為巨

溪

馬篠堰 在縣西四十八里萬曆杭州府志馬篠之水發自自嶺五里為馬篠堰灌馬篠坂田

獅石堰 在縣西六十里萬曆杭州府志馬篠堰又八里為獅石堰灌朱干坂田又八里山干

龍塘堰 在縣西六十里萬曆杭州府志楊溪之水自霹靂而來十里為龍塘堰灌大坂田

楊村堰 在縣西四十二里自雲溪與龍塘等堰而下同匯於此成化杭州府志溉田三百三十畝

萬曆杭州府志龍塘堰又十里為楊村堰灌梅林祖家楊潭三坂田

高頭堰 為高頭堰灌邵家田干二坂田萬曆杭州府志高

洲頭堰 在縣西四十三里萬曆杭州府志高頭堰又三里為洲頭堰灌義干田

老軍堰 在縣西五十里萬曆杭州府志洲頭堰又三里為老軍堰灌五聖田

落子堰 在縣西四十里萬曆杭州府志老軍堰又一里為落子堰灌小溪田又三里頰口

雲溪堰 在縣西七十里萬曆杭州府志雲溪之水自昱嶺而來為雲溪堰為蜃溪堰灌蜃溪祝莊

二坂田

蜃溪堰 在縣西六十三里

峽村堰 在縣南四十五里萬曆杭州府志伽溪之水自白水而來三十五里為峽村堰灌若村田

官橋堰 在縣南三十六里萬曆杭州府志峽村堰又六里為官橋堰灌陳家坂田

金村堰 在縣南三十五里成化杭州府志官橋堰又四里為金村堰灌金村坂田

秀下堰 在縣南二十六里萬曆杭州府志金村堰又三十里為秀下堰灌秀下坂田

伽溪堰 在縣南二十里自洪嶺而下與潘干等堰同匯於此成化杭州府志溉田一百四十五畝

萬曆杭州府志秀下堰又四里為伽溪堰灌何村田

河清堰 在縣南二十里自峽村堰與伽溪堰同匯於此亦入白下潭萬曆杭州府志伽溪堰又四里為河清堰灌白下坂田又四里柳溪

塘溪堰 在縣南四十一里成化杭州府志一名章村堰溉田三百二十畝萬曆杭州府志上博之水自福泉而來三十里為塘溪堰灌唐干坂田

杜堰 在縣南四十一里萬曆杭州府志塘溪堰又二里為杜堰灌楊村坂田

楊溪堰 在縣南四十里萬曆杭州府志社堰又二里為楊溪堰灌余村坂田

郎和堰 在縣南三十五里成化杭州府志溉田一百七十畝萬曆杭州府志楊溪堰又三里為郎和堰灌下坂田

角堰 在縣南三十五里萬曆杭州府志郎和堰又一里為角堰灌下余坂田

昌化縣志

卷八

住堰 在縣南三十里萬曆杭州府志
角堰又一里為住堰灌石塔田

潘干堰 在縣南三十五里成化杭州府志
四十畝萬曆杭州府志住堰又一里為潘干

堰灌齊
干田

石堰 萬曆杭州府志潘干堰又
一里為石堰灌木橋田

石岸堰 萬曆杭州府志石堰又十里為
石岸堰灌土橋田又七里河清

沈堰 在縣南四十三里萬曆杭州府志
貢嶺二十里為沈堰灌沈干坂田又一里杜堰

廟堰 在縣南四十二里萬曆杭州府志
自沈嶺而來二十六里為廟堰灌嚴家坂田

湍源小堰 在縣南四十六里萬曆杭州府志
堰又一里為湍源小堰灌齊八塢田

洪嶺堰 在縣南四十八里萬曆杭州府志
小堰又一里為洪嶺堰灌麻車坂田

余村堰 在縣南三十八里成化府志
三百六十畝萬曆杭州府志作俞村云溉田

為余村堰灌余村
田又一里杜堰

陳堰 在縣南四十一里成化杭州府志
三百一十畝萬曆杭州府志溉田未詳

黃堰 萬曆杭州府志青坑之水自沈嶺而來
黃堰灌范村田自山干而下至此俱在南境

六畝堰 在縣西北七十八里萬曆杭州府志
水自回龍而來二十里為六畝堰灌楊村坂

田

鄧茶堰 在縣西北八十五里萬曆杭州府志
水自界牌而來十五里為鄧茶堰灌豐茶坂

田又五
里六畝

竹嶺堰 在縣西北九十里萬曆杭州府志
嶺而來八里為竹嶺堰灌白坑田又五里江

坑

奧村堰

在縣西二十五里萬曆杭州府志奧溪自巾子而來二十五里為奧村堰灌西晚田

虞溪堰

在縣東北八里成化杭州府志既田一百畝萬曆杭州府志奧溪又十五里巨溪虞溪自

黃蘗而來二十五里為漢溪堰灌長春田又七里巨溪

梓口堰

在縣東五里萬曆杭州府志下充之水自鏡嶺而來三十里為梓口堰灌亢橋田又六里

巨溪自六畝而下至此俱在北境

按成化時永豐鄉有平葛渡堰既田三百畝吳安鄉有西堰既田六十畝上博堰既田三百五十畝

泥郎堰既田一百六十五畝白下堰既田一百二十畝金山鄉有赤石堰既田一百二十五畝住干

堰既田六十五畝下余堰既田七十九畝覺岸堰既田一百三十畝石塘堰既田五十畝陳村堰既

田一百四十畝章村堰既田未詳玉山鄉有忻村堰既田一百一十畝義干堰既田五百五十畝上

巖村堰既田三十畝至萬曆修志時已湮廢不可問矣康熙時周志所載堰之里數與今道里多不

合惟陳善府志敘次水源最為詳晰今仍之

壩

大成壩

在縣西四十三里溪水向係南流自翁姓於南沙洲上種樹壅水歸北乾隆九年大水壞

稅田二百餘畝王翁二姓許訟邑令甘文蔚勘論王姓築壩以七分水歸南以三分水歸北不數月

而田埂遂俱復舊

兵防

國家設兵之制在縣邑者有三曰防禦曰弓手

曰民壯昌邑防禦無聞巡檢裁而弓手亦汰所
恃者民壯也遞減至一十二人則狃於承平之
習而忘先事之慮矣官斯土者重有憂焉志兵
防第十九

咸淳臨安志弓手昌化縣元額六十八人

嘉靖昌化縣志按史元季蘄黃等寇再赭茲邑民戮
竄者十九以故設鎮守千戶所千戶一員百戶三
員軍百三十有一人後廢

萬曆杭州府志昌化西接徽歙設巡檢司一曰手寧

在縣西二十里堪村元至正間徽寇犯境徙置朱

柳村舊領弓兵三十名萬曆昌化縣志手寧司弓

兵一十二名

元一十六名工食五兩內濟邊三名
三分實役一十二名八分合銀九十

二兩一錢六分
遇閏加銀六錢

康熙昌化縣志巡檢司弓兵九名

每名工食
三兩六錢

明隆慶初各縣所編民壯皆遞減昌化百名內減去

五十名四年巡撫都御史谷中虛仍取十名充餉

五年巡撫都御史郭朝賓議操守乃復三十名萬

曆三年加復十名六年加復共八十名

每名工食
七兩二錢

合銀五百七十六兩

國朝定制昌化縣民壯五十名

每名工食

六兩本縣知縣二十名典史四名本府知府五名本

府理事同知一十七名留縣緝捕四名雍正六年

裁減僅存二十四名乾隆五年撫院盧復減去十

二名

王守矩曰昌邑環山為城依水為池固古所稱巖邑也僻在一隅民生不見兵革者七十餘年而忽議及於兵不亦迂闊矣乎顧兵可百年不用不可一日不備倘不預籌于未事之先一旦山寇蜂起盜賊竊發乃始募鄉民以捍禦直驅而令就死地耳況吾昌踞杭上游為杭西鄙之保障兼之西接徽饒北聯寧國南界嚴陵雖四塞之邑實四達之衢也防禦稍疎長驅抵會城有朝發而夕至耳元

至正十二年國朝康熙十三年其明徵已議者乃曰蕞爾微昌賦不滿萬糧僅盈千今若增置兵數諸凡鞍馬芻粟之屬必仰給於民民其堪命乎且當承平之日使冗食之兵與農商雜處其弊更有不可勝言者而非也制兵蓋有道也昔者唐制府兵宋制鄉兵有事則屬司馬無事仍隸司空故無兵之名而收兵之用今昌誠如明時選置民壯百名免其租稅以備器用山無伏莽則入而負耒耜寇攘竊發即出而荷干戈踵唐宋之遺而法寓兵於農之意則昌安而會城亦恃以無恐安民固圍之要莫切於此因附記兵氛於後以俟司土者之去取焉

元至正十二年秋七月徽饒賊犯昱嶺關進攻杭州

他日復犯董搏霄連破復之

按元史徐壽輝遣項普畧引兵掠徽饒諸

州遂犯昌化進陷杭城時董搏霄從江浙平章教化征安豐會朝廷命移軍援江南遂引兵薄杭州

凡七戰復之諸縣悉平搏霄受代去徽饒賊復自
昱嶺關寇於潛行省乃假搏霄參知政事俾復提
兵討之即日引兵至臨安新溪是為入杭要路既
分兵守之追殺至於潛既又克復昌化及昱嶺關
降賊將潘大淵二千人

十六年賊眾犯昱嶺關

守關士卒走北盜入境侵掠
至於潛時丞相達識帖睦爾

授行省左右司都事沈率兵討禦屢戰克捷遂乘
勝收復闕門時三月二十八日也詳見王忠文禕
碑銘

十八年明朱文忠破苗獠於昌化

通紀文忠以舍人
統兵援池州進攻

青陽等縣皆下之復擊破元院判阿魯恢兵於萬
年街遂破苗獠于於潛昌化獲其婦女輜重甚眾
文忠恐士卒恃此驕富莫有鬪志因激怒盡殺所
獲焚其輜重曰此何足惜能勞力破敵何患不富
貴乎眾咸奮
勵進次淳安

明崇禎十七年流寇逼境

邑令劉鼎率民兵禦
于於潛下浮溪遁去

國朝順治三年平瑶賊來擾邑

黨眾數千酷索民錢
動數百計邑中惶擾

無虛日督院張命
兵討擊賊潰散去

四年山賊亂

時賊黨紛出聚眾千餘焚劫居民肆行
酷虐聞官兵追捕則逃入他境退復猖
獗為患數年之內殆無寧枕賴駐防叅領陳陞及
嚴州游勤閔飛虎前後率兵追討斬獲無算漸次
得平

康熙十三年十二月淳賊犯邑

時閩逆叛亂淳賊假
偽號聚眾數千入境

焚居劫掠勢張甚邑令周頌孫星馳杭府告警太
守王樑親率官兵進勦將至縣號於眾曰有敢入

城者斬於是次灣水潭翼日令追捕賊平民安堵如故昌民感其德建報恩祠於縣東之隆化里

昌化縣志卷八

昌化縣志卷之九

祠祀

昌邑俗鮮淫祀膠庠俎豆而外水旱之禁鄉社之厲春秋之祈報盼饗豐融懿懿芬芬毋敢廢也至若浚儀圖陸雲之形燕齊立樂公之社報功崇德前史所侈爲美談者尤兢兢加意焉嗚呼先成民而後致力於神其沐 聖王之德教者深矣志祠祀第二十

文廟祀

祭期 日用春秋仲月上丁
日取陰火文明之象

獻官 一 知縣行三獻
禮衆官陪祭

分獻官 二 本學教官
行一獻禮

齋戒 正祭前三日獻官陪祭官及執事人等咸沐浴更衣散齋二日各宿別室致齋一日同宿

祭所散齋仍理事務惟不飲酒不茹葱韭蒜薤不弔喪問疾不聽樂不行刑不判署刑殺文字不預

穢惡事致齋惟理祭事及期陳祭器設庭燎堂庶楹間懸方燈墀列燎盤製燈各官皆祭服行禮

省牲 正祭前一日該衙門送祭品到學執事者設香案於宰牲所引贊引獻官嘗服詣省牲所

唱省牲揖執事者各牽牲於香案前過視純色肥碩無有傷損抵易引贊唱再揖省牲畢遂宰牲以

毛血少許盛於盤其餘毛血以淨器盛待祭畢埋之取毛以告純取血以告殺也

祭器 詳學
校

祭品 舊用里長治買邑令周洛都以條鞭額銀辦之 帛一筐 酒三爵 太羹一登 和羹

二 餹 黍稷二簋 稻粱二簋 形鹽藁魚棗栗榛菱芡鹿脯共八籩 韭菹菁菹芹菹筍菹醢醢

鹿醢兔醢魚醢共八豆 以羊代鹿以雞代兔 羊一俎 豕一俎 香一炷 燭三對 帛長一丈

八尺色白 四配祭品 東西各帛一筐 酒三爵 太羹一登 和羹二餹 黍一簋 稷一簋

形鹽棗栗鹿脯菱藁魚共六籩 菁菹芹菹筍菹菹鹿醢兔醢魚醢共六豆 羊一函 豕一函

香一炷 燭二對 帛長色如前 十哲祭品 東五哲共帛一筐 酒一爵 香一炷 燭一對

各酒一爵 和羹一餹 黍一簋 形鹽棗栗鹿脯共四籩 菁菹芹菹鹿醢兔醢共四豆 豕

一函 香一炷 燭二對 西五哲亦如之後載香燭係總設前供案 東廡祭品 共帛一筐

酒一爵 香一炷 燭一對 每四位為一壇末

二位亦作一壇 酒四爵末一壇止二爵 黍一

簋 稷一簋 形鹽棗栗鹿脯共四籩 菁苴芹

苴鹿醢兔醢共四豆 豕一函 香一炷 燭二

對 帛長色如前 西廡亦如 之後載香燭係總設前供案

祭儀 正祭日將行禮起鼓初嚴遍燃庭燎香燭鼓

再嚴禮生執事者各序立於丹墀兩傍鼓三

嚴贊引引各獻官至戟門 下立俟贊引行三獻禮

樂章 詳學 校

執事諸生 有一百一十 通贊 一 引贊 十 拂拭 七 陳設

一十 監宰 二 瘞毛血 七 奉帛 九 執爵 九 接帛爵 十 司

盥洗 三 司樂 一 司尊 一 讀祝 一 司班次 二 撤饌 一

司香燭 六 司大榜 一 飲福受胙 四 司擗 三 集禧 一

司滌登器 二

祝文 維年月日浙江杭州府昌化縣知縣某致祭

於至聖先師孔子曰維先師德隆于聖

道冠百王揭日月以常行自生民所未有屬文

教昌明之會正禮和樂節之時辟雖鐘鼓咸恪薦

於馨香泮水膠庠益致嚴於籩豆茲當稽仲祗率

彝章肅展微忱聿將祀典以復聖顏子宗聖

曾子述聖子思子 亞聖孟子配尚饗

崇聖祠祀 祠在東文昌閣後 章弘昌庠芻議學校

家追崇先師祖父鉅典而祠制迄無定所每起後 人擬議昌庠崇聖祠向建先師廟東南弘以為是 子孫居中而祖父旁及子孫居上而祖父遞降也 揆諸先師心必不安湯溪張祖年啟聖祠議云當

做朱子所議宋代祀僖祖太祖廟制自一室而遞
及之意於先聖殿後接連建一啟聖祠棟宇一如
其盛以奉聖父庶幾先聖父子之情盡而國家
追崇之義至弘按啟聖祠即今崇聖祠祖年此議
至當不易是以昌庠崇聖祠弘謂宜建於先師廟
後今明倫堂址內則位居正而遞及於先師廟始
為妥協我朝崇報先師之禮至隆且備惟茲祠
制所在應有議行者弘此議豈僅為我昌庠設哉
祭期 歲仲春秋上丁日子夜致
祭取子不先父食之義

祭品 與正

祀同

祭儀

與正祀同無
飲福不用樂

獻官

主祭官行
三獻禮

祝文

維同前致祭於肇聖王裕聖王
昌聖王曰維王奕葉鍾祥

光開聖緒盛德之後積久彌昌凡聲教所覃敷率
循源而沂本宜肅明禋之典用申守土之忱屆茲
仲穉聿修祀事配以先賢顏氏先賢
曾氏先賢孔氏先賢孟氏尚饗

文昌祠祀 祠在戟門左

祭期

春秋仲月繼
文廟祀之

獻官

主祭
官一

祭品

帛一筐 酒三爵 形鹽藁魚棗栗
六籩 菁筍韭菹兔鹿魚醢六豆 羊一俎

對

豕一俎 香一炷 燭二
帛長一丈二尺色白

祝文

維同前致祭於文昌之神曰維
張宿友咏周詩柄握文衡壽萬年之道脈幹

旋世運顯七曲之神功凡厥烝髦悉
由默宰茲陳品核用獻微忱尚饗

土地祠祀 祠有三〇在縣儀門左一在儒學文廟

左一在捕廳左

儒學土地祀

祭期

春秋仲月繼文昌祠祀之

獻官

主祭官一

祭品

三牲 三爵 形鹽薨魚棗栗四簋 菘韭 菹醢兔醢四豆 羊一俎 豕一俎 香一

炷 燭 二對

祝文

維同前致祭於土地之神曰維神境土之司翼宮之輔默左文昌地靈而傑士輩出陰啟光範形勝而道脈流長山嶽萃其精英文由之生色今茲仲穉謹以牲菹祗薦於神尚饗

名宦祠祀

祠在尊經閣前

舊祀宋端明殿學士趙希賢明教諭李奎祥知

縣葉采余猶龍顧謙服教諭屈起元韓鼎新國朝增祀浙撫朱昌祚范承謨總督李之芳提督李塞白理總督王鵬李衛

祭期

春秋仲月繼土地祠祀之

祭品

羊一 豕一 爵三 燭一 對 香一 炷 帛以紙錠代

獻官

主祭官一

祭儀

迎神送神各再拜獻帛三獻爵讀祝皆立

祭品

釋奠舊四位一壇今總設一壇其品同兩廡中壇

祝文

維同前致祭於名宦之靈曰維神司牧此土政善民安棠蔭未伐祀典普將予黍繼

蒞仰止流光用伸丕
奠式燕以嘗尚饗

鄉賢祠祀 祀在儒學土地祠前 舊祀元孝子陳斗龍後增明太學生

陳灼鴻臚寺序班鄭體乾沛邑簿潘安霍山縣知縣王錫衮今增國朝處士童養廉檄增明副都

御史巡撫雲南范鏞章弘昌庠芻議明嘉靖志載范鏞宦績稱鏞字鳴遠秦之鞏昌人其非吾昌之

鄉人彰彰明矣不識萬曆志何據混增蔭世孫范伏德任直隸縣丞邑南洪嶺是其門第等語邑南

八都洪嶺范姓人因於康熙五十四年間遇督憲范公時崇蒞浙遂請鏞崇祀昌庠鄉賢祠范公時

崇者鏞之嫡裔也即檄縣置鏞主入鄉賢祠享祀於是鏞非鄉之賢而竟為鄉之賢矣考鏞嘗任按

察司僉事分巡浙西弘治十七年值昌歲飢靖亂安民實有功德於昌昌民尸祝誠所應得第當祀

於名宦不當祀於鄉賢祀典攸關名實之間不容混淆也總因彼時修志者無識專以傳會為工故

始則艷其祖宗而以伏德為後嗣後即因其子孫而并以鏞為鄉賢積漸之勢必至於此君子著書

垂世可不慎歟國初修志業已釐正而鏞祀鄉賢尚沿舊志之訛迄今未有釐正之者爰附鄙說

以俟採擇焉

祭期 春秋仲月繼名宦祠祀之

祭品

獻官

祭器 俱與名宦祠同

祝文 維同前致祭於鄉賢之靈曰於維先生昌庠羣哲綱維是持德業維傑為子盡孝為

臣盡忠千載一日凜凜高風為斯世勸明禋肅雍執事有恪神罔時侗尚饗

先農壇祀 壇在縣東南上清宮右 國朝雍正六

年邑令黃河清奉文建造壇中正祠三間左右翼

屋二間後立寢室內供先農炎帝神農氏之神先

農厲山氏之神先農后稷氏之神禮儀祭品俱照

文廟式又置籍田四畝九分遴選誠實老農給八

品冠帶以司其事 農官畢良弼雍正六年給劄董隆昌雍正九年給劄胡柱雍正

十二年給劄 每歲仲春亥日知縣率屬官行九推禮畢

反於寢室送神灌鬯徹祭飲福

祝文 維同前致祭於 先農炎帝神農氏 先農厲山氏 先農后稷氏之神曰維 神肇興

稼穡粒我烝民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘民勞謹奉彝章聿修祀事惟願五風十雨嘉祥恒沐神庥庶幾九穗三岐上瑞頻書大有尚饗

關帝祠祀 祠在城隍廟右為屋兩楹帝像居前殿

後居三代神主 國朝雍正三年 勅封關帝三

代公爵曾祖光昭公祖裕昌公父成忠公其禮儀

祭品亦照文廟式每歲春秋仲月奉文頒期并五

月十三日致祭祠以太牢各府州縣俱如制

祝文 維同前致祭於 忠義神武關聖大帝曰維帝浩氣凌霄丹心貫日扶正統而彰信義

威鎮九州完大義以篤忠貞名高三國神明如在
遍祠宇於寰區靈應丕昭薦馨香於歷代屢徵異
績顯佑羣生恭值嘉辰遵行祀
典筵陳籩豆几奠牲牢尚饗

關帝先代三公祝文 維同前致祭於 關帝之曾祖光昭公 祖裕昌公 父

成忠公曰維 公世澤貽床靈源積慶德能昌後
篤生神武之英善則歸親宜享尊崇之報列上公

之封爵 錫命優隆合三世以肇禋典 饗

章明備恭逢諏吉祇事薦馨尚 饗

永昌祠在縣西里許萬曆乙卯冬建祀伏魔關聖
帝君邑令康萬有捐俸卜地城隍廟右命廟僧性

通住持後漸傾圯康熙四十四年邑人戴英捐資
重整又擴右首基地造屋三間并建門前戲臺

社稷壇祀 壇在縣西鳳凰嶺宋立壇在縣東一百
五十步元初廢舊壇別置於城西南之上灘園明

洪武二年始於縣西舊慈濟院基改建後以壇址

迫山改今處 制東西二丈五尺南北如之高三尺
四出陞各三級壇下前九丈五尺東

西南各五尺周繚以垣外設四門由北門入壇上
石主北向立長一丈二尺五寸上留圓光餘埋土

中神牌上書縣社
之神縣稷之神

祭期 春秋仲月上戊日出主於壇而祭之壇制以
陰神故北向凡祭亦預戒僚屬散齋二日致

齋一日先期省牲於祭所
及期陳設各祭服行事

獻官 主祭官行三獻
禮餘官陪祭

執事 禮生減 文廟十
之五樂用鼓吹

祭器 七十有五 神牌二 牲匣四 案桌十四
籩八 豆八 簋四 簋四 篚箱二

酒尊二 爵七 釧二 香爐二 燭臺四
盥一 洗一 悅巾一 鍋五 桶四

祭器 社帛一筐 酒三爵 和羹一釧 黍稷二
籩 稻粱二簋 棗栗薨魚形鹽共四籩

韭菁菹醢鹿醢共四豆 羊豕各一俎
帛長一丈八尺色黑 稷品亦如之

祝文 維同前致祭於 社稷之神曰惟 神奠安
九土粒食萬邦分五土以表封圻育三農而

蕃稼穡恭承守土肅展明禋時屆仲穡謹修祀典
庶九九松栢鞏磐石於無疆翼翼黍苗佐神倉於

不匱尚 饗

風雲雷雨山川壇祀 壇在縣東南二里明洪武二

年建於雙溪之南山下後以涉水不便於祭改築

上清宮之西復以址狹隘改今處制與社稷壇畧同無石主神牌

三書風雲雷雨之神一書昌化縣城隍之神俱南向由東門入

祭期 春秋仲月繼社稷壇出主及請城隍之主於壇而合祭之風雲雷雨居中左山川右城隍

獻官 主祭官行禮 俱同社稷壇

祭器 一百有四 神牌三 牲匣六 案桌十九
籩十二 豆十二 簋六 簋六 筐篚

三 酒尊三 爵十 釧三 香爐三 燭臺
六 鍋五 桶四 盥一 洗一 悅巾一

祭品 風雲雷雨帛四同篚 山川帛二同篚 城
隍帛一獨篚 俱長一丈八尺色白餘並同

社稷壇無瘞毛 血祭終望燎

祝文 維同前致祭於 風雲雷雨山川城隍之神
曰惟 神贊襄天澤福祐蒼黎佐靈化以流

行生人永賴秉氣機而鼓盪溫肅攸宜磅礴高深
長保安貞之吉憑依鞏固實資捍禦之功幸民俗

之殷盈仰神明之庇護恭修歲祀正
值良辰敬潔豆籩祇陳牲幣尚饗

忠義節孝祠祀 忠義祠在明倫堂右節孝祠在報

恩祠左 國朝雍正二年奉文建

祭期 繼社稷壇各祀後祭之

祭品 先期給銀三兩每祠一兩五錢

忠義祠祝文 維同前致祭于忠義孝弟之靈曰惟靈稟賦貞純躬行篤實忠誠奮

發貫金石而不渝義問宣昭表鄉閭而共式祇事懋模楷咸推夫懿德恩綸特闡其幽光祠宇維隆歲時式祝用陳奠簋來格几筵尚饗
節孝祠祝文 維同前致祭於節孝之靈曰惟靈純心皎潔令德柔嘉矢志完貞全

闡中之亮節竭誠致敬彰闡內之芳型茹冰蘖而彌堅清操自勵奉盤匱而匪懈篤孝傳徽 恩綸特沛乎殊恩祠宇昭垂於令典 饗

邑厲壇祀 壇在縣東北唐山之麓與山川壇畧同

明洪武十一年建一門南向臨祭日迎城隍主於

壇上壇下左右神牌題曰本縣無祀之神 以上三壇舊制

神廚庫房宰牲所今皆無有存者

祭期 歲清明七月望十月朔先期二日知縣齋沐更衣詣城隍廟發告文至期奉其主於壇南

向壇左右設境內無祀鬼神位而分祭之祭畢奉城隍主還廟載拜退

獻官 主祭官一餘官陪祭

祭器 五十有六 牲匣二 案桌八 爵三 酒瓶三 登八 香爐一 燭臺二 羹桶十

樽一 牲桶四 飯桶三 水桶二 杓一 鍋五 飯甑三 果四 籩 蔬四 豆 羊

祭品 城隍壇上酒三爵 壇下左右羊二 組 豕一 組 豕二

組 羹八器 飯八器

祭告城隍文 昌化縣為祭祀本縣無祀鬼神事該 欽奉 皇帝聖旨普天之下后土之

上無不有人無不有鬼神人鬼之道幽明雖殊其 理則一故天下之廣兆民之眾必立君以主之君

總其大又設官分職於府州縣以各長治之各府 州縣又於每一百戶內設一里長以細領之上下

之職綱紀不紊此治人之法如此天子祭天地神 祇及天下山川各府州縣祭境內山川及祀典神

祇庶民祭其祖先及里社土穀之神上下之禮各 有等第此事神之道如此尚念冥冥之中無祀鬼

神昔為生民未知何故而歿其間有遭兵刃而橫 傷者有死於水火盜賊者有被人取財而逼死者

有被人強奪妻妾而殺死者有遭刑禍而負屈死 者有天災流行而疫死者有為猛獸毒蛇所害者

有為飢餓凍餒死者有為戰鬪而殞身者有因危 急而自縊者有因牆壁傾頽而壓死者有死後無

子孫者此等鬼魂或終於前代或沒於近世或兵 戈擾攘流移於他鄉或人烟斷絕久缺其祭祀姓

名泯滅於一時祀典無聞而不載此等孤魂死無 所依精魄未散結為陰靈或依草附木或作為妖

怪悲號於星月之下呻吟於風雨之時凡遇人間 節令心思陽世魂杳杳以無歸身墮沉淪意懸懸

而望祭興言及此憐其慘淒故救天下有司依時 享祭在京都府有秦厲之祭在王國有國厲之祭在

各府州有郡厲之祭在各縣有邑厲之祭在一里 有鄉厲之祭期於神依人而血食人敬神而知禮

仍命本處城隍以主此祭鎮控壇場鑒察諸鬼等 類其中果有生為良善誤遭刑禍死於無辜者神

當達所司使之還生治國來享太平之福如有素
爲凶頑身犯刑憲雖獲善終亦出僥倖者神必達
於所司屏之四裔善惡之報神必無私欽奉如此
今某等不敢有違謹于某年月日於城北設壇置
備牲酒羹飯享祭無祀鬼神等衆然幽明異境人
力難爲必資人力庶得感通今特移文於神先期
分遣諸將召集本縣闔境鬼靈等衆至日悉赴壇
所普享一祭神當鎮控壇場鑒察善惡無私昭報
爲此合行移牒請
照驗欽依施行

祭邑厲壇文

維年月日昌化縣知縣某爲祭祀本
縣無祀鬼神等衆事

如此今某等不敢有違謹設壇於城北以某日置
備牲醴羹飯專祭本縣闔境無祀鬼神等衆靈其
不昧來享此祭凡我一縣境內人民倘有忤逆不
孝不敬六親者有姦盜詐僞不畏公法者有拘曲
作直欺壓良善者有躲避差徭靠損貧戶者似此
頑惡奸詐不良之徒神必報於城隍發露其事使

遭官府輕則笞杖決斷不得號爲良民重則徒流
絞斬不得生還鄉里若事未發露必遭陰譴使舉
家並染瘟疫六畜田蠶不利如有孝順父母和睦
親族畏懼官府遵守禮法不作非爲良善正直之
人神必達之城隍陰加護佑使其家道安和農事
順序父母妻子保守鄉里我等闔邑官吏人等如
有上欺 國法下枉良善貪財作弊蠹政殃民者
神必無私一體昭報如此則鬼神有鑒察之明官
府非諂諛之
祭尚 饗

鄉厲壇

成化杭州府志

一在永豐鄉下營一在吳

安鄉上博一在金山鄉廟干一在玉山鄉頰口

鄉社壇

萬曆昌化縣志十有四一在西晚溪澣五

里許一在下營十里一在朱九十里許一在上博

村二十五里一在廟千六十里一在頰口四十里
一在林村黃山坪二十五里一在社丁橋西五十
里一在楊村六十里一在石橋頭六十五里一在
溪北社一在溪南社二社俱五十里

結子壇

萬曆昌化縣志在縣西五十里十一都

東嶽行祠

咸淳臨安志舊在縣南過溪二里後併

入上清宮開禧二年朔

祠山行祠

咸淳臨安志在縣東南二百步上清宮

之西紹熙二年令張任朔

靈山行祠

咸淳臨安志在縣東南上清宮之東卽

偃王祠衢人有客唐山者始像而祠之慶元間令

趙諒因爲建廟諒亦衢人

五龍祠

嘉靖昌化縣志在縣西南六十里夾山

三郎祠

在縣土地祠右

蕭曹祠

在縣土地祠左

張仙祠

萬曆昌化縣志在縣西文苑內

三賢祠

在儒學左宋令錢孜建祀晉許邁唐羅隱

宋蘇軾名三賢堂後叅政董搏霄敗紅巾賊邑人

增像並祀之後又改爲列侯生祠康熙辛丑教諭

詹錫瓚仍置三賢神龕易名三賢祠乾隆九年令

甘文蔚改建於戟門右章弘昌庠芻議宋昌令錢公孜以晉許邁爲寓賢唐

羅隱爲鄉賢宋蘇軾爲名宦建祠奉祀昌庠名三賢堂自淳熙十年創始至今其間雖有廢興遷徙

而於三賢之祀固無異議也然以弘考之惟軾應祀昌庠若邁若隱均非昌庠所應祀考軾嘗通判

杭州熙寧間新政日下每因法便民民賴以安元祐四年知州事值大旱饑疫並作請於朝免本路

上供米三之一復得僧度牒易米以救飢者又減糶常平米分使者煮賑活者甚衆先於判郡日行屬

邑至昌愛溪山之勝有此間歇得之嘆隆岡紫水皆經遊覽品題與羊叔子之眷戀峴山無異也是

軾宦杭旣多惠政在昌遺有甘棠之愛錢公祠祀昌庠誠爲允當若邁之祀殊有可議邁句容人遍

遊名山至我郡嘗在餘杭大滌山煉丹旋入臨安

西山茹芝辟穀賦詩論神仙事又修真于於潛天

目之西尖下邑志載邁曾採藥於邑西晚山卽隱

居山下其說非出無因但邁好神仙之術乃道家

者流與吾儒趣向迥別故郡志列入仙釋明乎其

不得與於儒林文苑也顧乃儼然奉祀學官非推

先師不許卽邁亦所不歆弘謂三賢堂邁主應行

撤去或卽於邁所棲止之山水間道院宮觀設像

以祀之可耳至於隱同郡新城人也不知者以爲

錢塘人餘杭人而我昌志則謂爲邑北渡溪楊村

人長徙新城因而錢公奉祀昌庠考吳越史稱舊

常有二氣亘於鼉江晝夜不滅及杜建徽羅隱生

而二氣不復見說者以爲文武秀氣弘按鼉江在

新邑南是隱之生於新邑已有明驗又新志載羅

隱宅在邑東雞鳴山下現多嫡派子姓其地建有

專祠每年致祭又現祀於鄉賢祠隱爲新人益無

疑義昔韓昌黎謂鄉先生歿而可祭於社隱旣非

鄉先生祀之於社甚爲無謂是以弘謂三賢堂隱

之系示

古

主亦可撤也宜以二賢易之宋趙昂發明胡世寧是也昂發邑南入都塘溪源趙家坪人由進士判池州攝州事元兵逼城昂發與雍夫人同縊死伯顏具棺營葬致祭嘆息而去事聞於朝贈華文閣侍制謚文節世寧仁和人官至太子太保兵部尚書謚端敏生平屢著忠勲尤著者在預摘宸濠反狀厥功與孫燧殉難王守仁戡亂同烈初世寧家貧讀書兼賣草履入昌改李主事堂聯為李所器重因贅以女試入昌庠第一弘治壬子舉于鄉癸丑傳臚今昌庠以昂發世寧配軾一名宦一鄉賢一寓賢三賢鼎峙享祀一堂既無假借之嫌正符崇報之典且使都人士知三先生忠義氣節先後同揆百世之下聞風感奮即事神之事寓化民之道如此乃於昌庠所以俎豆名賢之意始稱不負較向之所謂三賢堂者其是非真假不大相逕庭哉是誠有望於當事之論定已

蘇文忠公祠

舊名東坡祠在縣治前即宋令章伯

奮建之新亭久圯乾隆六年令羅朝彥典史汪自

孔率邑人改建於長春橋宋令帥寶公祠左

邑令羅朝

彥改建蘇文忠公祠記余考地輿記天下蓋有兩

昌化云一屬吾粵之瓊州一屬浙西之杭州而宋

蘇文忠公生平皆嘗至止焉蓋公安置瓊州時寓

於瓊之昌化逸事不可殫述往往見諸吟咏余雅

慕公節概詩文幸瓊在同省欲遊昌化弔公古蹟

挹其流風餘韻以慰景仰之思非一日矣事與願

違因循不獲遂每念及未嘗不神往也歲庚申夏

謁選吏部得浙杭之昌化比至任公事畧暇檢閱

邑乘知公先曾倅杭問俗至昌化愛昌之山水明

祠左舊屋復爲公祠余維崇祀名賢使士民有所
觀感興起長民者之責也况公節槩詩文薄海內
外所欲挹其流風餘韻而不可得者乎爰捐薄俸
用先倡率而多士胥踴躍樂從若章生虎臣暨其
侄弘督理尤勤不逾時而功竣以前月十有九日
進公主而奠之於是公祠旣廢不知幾何年者今
乃復興於一旦余之忻慰當何似也夫余本粵產
以同省之瓊州有昌化爲公留寓之處曾不得一
至以憑弔其古蹟而浙杭之昌化相距何啻萬里
乃以承乏邑令得葺公祠而拜之豈非厚幸歟故
是舉也在邑紳士爲大伸其輿情在余爲少慰其
夙願均不可以不記也遂因汪少尹之請而爲之
記時乾隆六年十一月朔日也車朝儀文忠公祠
奠主紀事我慕蘇學士當世號坡仙宦遊半天下
遺踪處處傳虎林曾作倅諮俗到野田慨然嘆歎
得雅愛此山川信宿雙溪驛興發題詩篇築臺名
般若參寥與譚禪東坡留佳號有林復有泉泉在
雙溪岸林在隆崗巔崗前池宛在嘗栽紅白蓮自

此增佳麗後人景高賢新亭儼像設春秋薦豆籩
時移世屢易滄桑經變遷我來自霄水秉鐸亦有
年公餘輒弔古殘碑籍草眠苔蘚多盤結拂拭徒
惘然偶遇夢園子貽我一新編盥手亟展讀遺踪
細註箋林泉及亭榭搜輯罔弗全詩文按時代塹
次相蟬聯一一如指掌幸勿委荒煙因復謀崇祀
相地東郭偏蠹蠹東山麓神龕奉一椽溪橋人爭
渡風吹水漪漣水光搖牕戶山翠滴檻前多士陳
蘋藻清酒酌几筵吟魂與醉魄依稀尚留連清風
明月下乘鶴時躡躑維我拜祠下心神倍肅虔野
芎尚可覓谿筍瘦而鮮寒泉薦秋菊寧應便棄旃
擬同水仙廟長傍西湖邊章弘祠成集東坡句朱
檻城東角循山得勝遊徘徊問耆老尊俎繼風流
微月挂喬木灘聲入市樓高堂儼設像相與一樽
留章華屢集東坡句此邦宜著玉堂仙出處依
稀似樂天便與甘棠同不翦野花啼鳥亦欣然

朱子祠 在縣南四十里鳳凰山麓里人朱轍建

沈御史祠 嘉靖昌化縣志 在縣西二十五里林村

陳孝子祠 在縣西四十里義干明陳灼建後圯陳

達德重建邑人章華厦記石

宋邑令帥公祠 萬曆昌化縣志 在縣東長春橋山

坡

鄭公祠 在縣治左為明令鄭國士建

報恩祠 在縣東隆化里射圃前康熙十六年合邑

為巡憲王樑建

邑令林鳳章報恩祠碑記巡憲王公以遼左闕閱筮仕內曹卓有風

勵值閩氛煽虐秉鉞浙西事平督師上其功於朝遂為浙之會城太守三載著績復簡斯任所轄

蓋杭嚴兩郡云公服官十餘年強半在浙以故遠近口碑出自浙人士者居多章習聞之熟矣今者

謬膺百里之寄屬在唐昌每以弗克勝任是懼意者勤求詢問或可裨益政刑齋宿之餘集鄉耆父

老進而問之維時鼓掌長談為章告語首以巡憲王公廉慎自持剛柔並濟足以柱石東南信哉羣

黎愛戴為可法而可傳焉有述公平寇事者謂公親鎧甲先士卒軍聲所加勝氣百倍咸膽慄思遁

奔命不遑始之自淳而寇昌自昌而寇潛漸不可遏止者繼之不惟罔敢嘯聚隆山而鳥獸駭散鄰

封且無警矣有述公安民事者謂公神武不殺脅從猶沾罔治之恩至若善類聞公安輯童叟悉趨

迎道左望公如望歲焉戴公如戴慈父母焉由是又述公之駐師南溪卒不離於伍馬不芻於田確

乎秋毫無犯也由是又述公之戒諭殘黎毋疎虞貽患毋報復修怨彷彿安堵如故也由是又述公

之嚴飭屬吏察廉貪訪勤惰一時之屬宇下者無不悚然懼曰毋虐以貽辱也緣是撫愛民生勤修

政事兩郡蒙福已經十年然則允文允武者惟公
立德立功者惟公甘棠召樹雖公建生祠群相尸
祝然未勒之石恐不能為久遠傳也爰進而免章
為詞以垂不朽章不敏弗工染翰然謳歌傳頌之
下亦何難述詞楮穎以副里老之懇勤懇摯耶比
聽疾書是為之記里巷環聚無不嘖嘖稱快焉

城隍廟

萬曆杭州府志莫詳所始元末燬於兵洪

武二年復建萬曆昌化縣志在西門內去縣百步

許卽真聖觀故址明初徙遷牆內東西隙地并田

與住廟道人真顯作香燭之資仍免其稅厥後傾

頽顯徒如海等鼎新正廟後廳及百子堂兩廊二

門至華表則上舍陳灼獨建堦基則儒君呂執中

獨助康熙昌化縣志洪武初勅封為鑒察司民顯

佑伯昌化縣主城隍之神知縣李質重建

明太祖高皇帝

封昌化縣城隍勅曰帝王受天明命行政教於天
下必有生聖之瑞受命之符此天示不言之妙而
人見聞所及者也神司淑慝為天降祥亦必受天
之命所謂明有禮樂幽有鬼神天理人心其致一
也朕均四方雖明智弗類代天理物之道實罄於
衷思應天命此神所鑒而簡在帝心者也君道之
大惟典神天有其舉之承事惟謹昌化縣城隍聰
明正直望不可知固有趨於高城深池之表世之
崇於神者則然神受於天者蓋不可知也茲以臨
御之初與天下更始凡城隍之神皆新其命睠此
縣邑靈祇所司宜封曰鑒察司民城隍顯佑伯顯
則威靈丕著佑則福澤普施此固神之德而亦天
之命也司於我民鑒於邑政享茲祀典悠久無疆
主者施行嘉靖昌化縣志歲五祭凡祭山川則附

厲則三年并其東真聖觀址及民居廣之今制中主之

為正堂左為觀音殿右為百子堂堂後為棲神閣

殿堂前為拜亭左豎正德丁酉年令陳孔彰重修碑右豎順治八年重修邑紳士民

題名東西為六曹分司又前為十殿冥王其外為

保障門左右祀五聖等神前為半月池駕石橋其

上前福善禍淫坊又前為大門康熙六年令劉宗

向鼎葺先是廟中原助有田地山屋歷被住僧蕩

廢雍正九年署令羅緒奉文清理各寺廟田畝盡

行查出仍勸各輸歸廟重整立碑建德宋楠復城隍廟田畝碑記

弘惟皇上御極以來百靈協應時和年豐屢念

間閭祈報有恪惟有民有社城隍為尊舊以令式

從事歲一再舉顧廟率置田若屋祝史不能有多

轉而屬之他人廟以弗治歲辛亥閏中羅公來為

昌邑政勤事集神人胥康越明年麥大有秋腰鎌

畢稻布雨澤偶愆則齋祓而禱於廟靈淫時溱漈

池輸流良苗懷新將成大稔公集紳士而諭之曰

載潤嘉生式資靈貺今祠涼而祝餒是田若屋之

籍於廟者不免如前所云也日者天子命所司釐而正之始一復其舊諸君得無意乎邑紳士咸樂輸恐後不日而復田若干畝屋若干楹仍命尉李君董勸其邑人縮盈佐匱版築用興墻易而堅瓦易而完嬰溲帶涖業然改舊別召主僧掌其廟之籍而歲收其入以為經費資於以見聖主之勤民無遠勿屈而又以美守土者之善能宣布德意相與以有成也眾紳士曰是不可不書爰伐石而俾余誌其事時壬子秋七月也

三皇廟 成化杭州府志舊在縣東門內街南元末

兵燬

靈顯五侯廟 咸淳臨安志在縣東五里溪橋上路

轉山回林木蒼鬱挹湍流依峭壁廟貌甚偉威靈

茂著焉

五聖廟 嘉靖昌化縣志在縣東三百步又一廟在

縣西十八里歷村汪王廟之東南隅

東嶽廟 有二一在縣東五聖巷內余秉鉞建徐中

嶽廟碑記東嶽者繼乾坤而居長位萬物之所以資始而資生也易曰帝出乎震又曰萬物出乎震

震東方也萬物之司命故其神於五嶽為獨尊吾

昌神廟雖多惟東嶽一廟從未有建祀者里中余

秉鉞者好善樂施士也尤拳拳於此舉圖度經營

歷有年所構求善地卜吉於縣治之左因五聖舊

廟而更新之規模既擴鳩工庀材躬自督理不惜

財不辭勞必誠必敬惟求堅固而後已敞其中為

正殿潔其右為行宮因其左為觀音堂新其前以

供五顯虛其後以司齋房至東南方起大悲閣以

禮千手大士閣之下建玄武像以鎮羣魔又於殿
門外築鑑古臺歌舞以報神功自建廟以來時年
藉以豐和人物賴以康阜不特瞻禮者得慰祈禱
之願即登眺者亦得攬山川之勝誠一邑之大觀
哉乃尤欲為久遠計恐一時壯觀而歲久或弊更
捐田十畝地五畝山三畝收其息以為永遠香燈
修葺之費擇謹厚之僧以司晨鐘暮鼓潔蠲酒掃
蓋其用意殊深而所以福昌人者良非淺鮮矣余
故樂為之記願後人之能繼其一在縣西頰口鳳
志也時康熙辛巳仲春望日

鳳嶺程翼程翥建

長嶺廟 萬曆昌化縣志 在縣東三里真武大帝靈

鎮於斯

梓潼廟 萬曆昌化縣志 一在縣東紫微嶺縣令熊

守謙重建一在縣西門外宋進士孫朝瑛建弘治

已未邑義民戴信重建

柳相廟 嘉靖昌化縣志 在縣東南十五里雲老村

咸淳臨安志 柳音
留縣有柳相山

上博廟 咸淳臨安志 在縣東南一十九里 嘉靖昌化縣志

上博村

泥晶湖廟 咸淳臨安志 在縣東南五里 嘉靖昌化縣志 泥晶

村

漢溪廟 咸淳臨安志 在縣東北一十五里盛村舊

傳其神子胥之族

伍子胥廟 咸淳臨安志 在縣南二十五里覽川

沙幕廟 咸淳臨安志 在縣南一十里

按縣志皆云在縣東十里下阮村幕亦作漠

官祐廟 嘉靖昌化縣志 在縣南三十五里余村東

咸淳臨安志三十里

姜公廟

嘉靖昌化縣志在縣南四十里嶺南

咸淳臨安

志四十里五里

湍口廟

嘉靖昌化縣志在縣南四十里湍口村

朕公廟

咸淳臨安志在縣南三十里有石塘村後

有山盤踞平妥而極大朕公城在其上城基回環如帶及有造軍器之所歷歷可辨有拾得石鏃金刃者天陰晦或聞戈甲鼓笛聲朕公者舊傳為錢氏將出戰回未及故城死於赤石遂葬其地

按縣志皆作勝公由未見咸淳志仍嘉靖志之誤也又云在縣南三十五里潘村疑即石塘

惠山潘廟

嘉靖昌化縣志在縣南十五里惠山村

龍鬚廟

嘉靖昌化縣志在縣南三十里金村

俞公廟

嘉靖昌化縣志在縣南四十里湍源

陳府君廟

嘉靖昌化縣志在縣南四十里湍口

汪王廟

嘉靖昌化縣志在縣西一十八里歷村俗

稱曰歷村廟廟後山及東蔬圃俱以贍守者

柯相公廟

咸淳臨安志在縣西七里西晚村舊傳

為錢氏將嘉靖昌化縣志一在柳下

縣東南又稱大柳

平葛西廟 嘉靖昌化縣志在縣西四里平葛村

高樂廟 咸淳臨安志在縣西二十里

杜王廟 嘉靖昌化縣志在縣西八里高犁村

蕭王廟 咸淳臨安志在縣西九十里

櫃村廟 咸淳臨安志在縣西一十七里

龍池廟 咸淳臨安志在縣西六十里

華光廟 嘉靖昌化縣志在縣西七十五里河路

晏公廟 嘉靖昌化縣志在縣西三里鳳凰嶺

五顯廟 嘉靖昌化縣志在縣西三里石壁灣西晚

村之水口上龜洲下

社嶺廟 萬曆昌化縣志在縣西十五里徐邦演建

朱將軍廟 萬曆昌化縣志在縣西四十里七里洞

早澇祈禱必應康熙昌化縣志一在社嶺

按萬曆志載社嶺廟不言何神疑卽朱將軍故康熙志以爲有二朱將軍廟也

東平王廟 萬曆昌化縣志在縣西三十里朱柳其

神顯於宋以七月二十四日誕辰江浙兩省俱以

靈應有感聚會酬願百貨貿易皆集於斯廟宇更

新於行僧明時紹隆 邑人章烱景佑真君歷代封號記粵考景佑真君乃唐御

史中丞張公也公諱巡鄧州南陽人博通羣書曉戰陳法開元中擢進士第由太子舍人出爲清河令更調真源天寶十五年拜主客郎中副河南節度使至德二載拜御史中丞死年四十九歲先是祿山構亂固守睢陽屢破賊兵及糧匱援絕城陷乃抗節而死是時公旣爲江淮保障元宗入蜀無追奔之患肅宗卽位靈武卒殄蠹頑不失舊物公力爲多朝廷追贈揚州大都督大中二年圖像凌烟閣立廟睢陽歲時致祭封于聖郎君通真三太子宋乾德二年封真應護聖使者至和三年封普安太尉元祐三年封嘉應侯政和六年封佑順顯靈公宣和七年賜廟額加封昭烈二字建炎二年封忠靖王紹興二十二年加封威顯二字隆興九年又加封顯佑二字乾道七年加封英濟八字之號景定九年封忠靖景佑真君元年至正元年封護國忠靖威顯景佑真君七年又加封洪濟之號嗚呼公生秉忠節歿作貴神累代褒封有隆無替此足徵天理在人心公論在天下忠勲在社稷峻烈在萬世也真可以凌青霄貫白日廟食旌川蓋亦有年遠近乞靈罔不奇應予父老親叩廟禱奉如著蔡後嘉靖間建廟朱柳例以七月廿四爲公誕辰八方酬禮蝟集蟻聚洋洋乎神之英爽哉而實巖邑之盛會也神之履歷載諸信史彪炳古今人知之至其崇封之典年代後先譜牒浩冗檢閱爲難未必人人能知也予特表而揭之以見民彝之天久而彌著浩然正氣因終始天地焉於是乎書邑令周頌孫過朱柳題東平張王廟詩悍敵長驅逐彩鑿江淮獨禦不辭難壯心入地千秋凜浩氣凌霄六月寒力盡屏藩舌作劒死爲社稷一在血成丹於今英烈常如在嶽撼波搖欲聳冠

覽川

真武帝廟 康熙昌化縣志在縣西鳳凰嶺

娘娘廟 康熙昌化縣志在縣西二十里堪村

周相公廟

康熙昌化縣志在大柳

百丈廟

咸淳臨安志在縣北二十五里

許由廟

康熙昌化縣志在箕山上

餘姚孫應龍洗耳灘弔望許由

廟詩何年來許邁此地侶巢由遂有箕山蹟難尋
潁水幽危灘鳴斷壁落日冷荒正為仰高風在瓢

懸古樹頭

三元閣

康熙昌化縣志在縣東城外長春橋

武安閣

康熙昌化縣志在縣東蘆嶺

觀音閣

康熙昌化縣志在縣東接官亭明令周洛

都建

文昌閣

萬曆昌化縣志在縣西

大悲閣

在縣東五聖巷內余秉鉞建

寺觀

佛老之學與吾儒參不能人其人火其書即不能廬其居矣大觀在上循習舊俗琳宮梵宇所在不廢誠以鰥寡惇獨四民之無告者半籍此以全活亦王道補救之一術也昧者不察莊嚴像設窮極土木以希無妄之福昌雖僻邑固不蹈其弊哉志寺觀第二十一

○
治平寺

〔成化杭州府志〕在縣西一里嘉靖昌化縣

志舊名忻平唐大中二年建梁開平三年改今額
寺後有山礪礪爲武隆支岡東坡貳郡日愛其幽
勝鑿池築亭多題咏元初僧能仁築二亭於上曰
超然曰清夷至正兵燬洪武十五年僧慧錫重建
佛殿方丈諸屋制設僧會司二十四年立爲叢林
而法會慧照普濟龍興普向法興鷲峰及二廣福
皆并焉正統間天台高僧宗仙來掌僧會凡寺之
圯廢者新之其徒曇貴走京師請大宗伯胡公澗

記石正德間寺值中微嘉靖間住持德深越徒大
通大道復振起之觀音大雄二殿天王殿山門以
次朔葺〔萬曆昌化縣志〕萬曆三十二年紹菘祖宿
祖完今護印僧聯銜然炳等重建正殿併重塑佛
像康熙昌化縣志康熙六年邑令劉宗向題有古

忻平寺額

〔章〕勛治平寺記治平寺昌首刹也舊有

敘述者最爲詳盡然自明天順迄今歲月綿邈碑
殘篆老蘚積莓封蓋已曠乎不可讀矣時有寺僧
世音者仰聞郡邑纂志博採遺文因力爲拂拭請
余目之間得其梗概不能盡識也因撮其略而記
之曰是刹之興厥惟舊哉粵稽古載肇於唐大中
二年建曰忻平於梁開平二年復葺之改今額治

平之名自梁昉也至宋熙寧間東坡蘇公判杭郡
歷雙溪至治平與山靈有夙世緣遂築亭其上
下鑿雙池種紅白蓮花蓋同一茂叔君子意也因題
詩紀事又有手書刻于石由此各勝遂甲一方所
云地資人彰者非耶至元初有僧能仁者欲增其
所未備更建二亭一名超然一名清矣人多遊息
題咏其間自是而麗景益著值至正末丁亂離遭
兵燹將昔視爲勝觀者一旦直灰燼矣洎僧慧錫
於洪武間重建置之規畫弘敞厥功甚偉未幾而
風雨摧零蠹蝕相積畫棟飛甍忽焉頽敗不有作
者其何由振有天台僧宗仙者當正統二載經此
宗仙口不道佛法欲斬盡空門一切葛藤惟教人
以孝弟曰佛法無踰此也一時士夫以其近道而
不畔道故多與交游遂留此寺以殿宇之責自任
由是力爲勸募而鳩工僱役且營且構不踰年而
殿堂門廡神天聖像煥然一新且語其徒曰此爲
祝聖道場非是無以聳觀瞻宣至教也其徒曇貴
亦善承師志卽走京師備陳其事於胡乞記以勒
諸石今于魚豕交錯之餘猶得溯其巔末者曇貴
之力也夫四字固貴治平而茲寺獨勝其義且薄
縣治之西凡慶祝行禱舉於是重有賴焉則此寺
非僅爲浮屠氏之卓錫養道所也司土者治厥職
而平厥政皆於此乎望之故追述其大槩而爲之
記時壬子秋九月也邑令馬逢伯治平寺方丈詩
公庭群吏散蘭若暫時看山擁青螺淡溪流碧玉
寒俗塵清不染高興醉方闌爲慕先賢跡登亭更
縱觀陳治範治平初夏詩坐對群峯寂空憐晝自
長鶯啼藏葉暗蝶舞散花狂塔影斜侵漢松陰半
繞廊平生正壑志轉覺野塗忙繆沅宿治平山房
詩化宇依山麓寒鐘靜客心探珠投細壑伐木到
空林詩態吾儕共禪機獨坐深不因適暮節長此
得相尋奉化戴澳宿治平寺詩雲房深處月微茫
夜坐清談竹露香已識浮名似雞肋漫嗟世路若
羊腸梵音入耳塵俱盡詩思當場興更狂解讀東
坡鋤豆句益知
世外地清涼

法會寺 成化杭州府志在縣南三十里舊名龍華

梁乾化五年建寺有水陸池會聖亭宋治平二年

賜今額紹聖二年僧守訥為記宣和中以寇毀淳

熙丙申邑人章詡重建元大德中詡裔孫績捨田

以贍香火延祐丙辰災績之子益孫復建洪復翁

震老為記更擴傍地以構僧舍元至正末境內寺

悉燬于兵而此寺巋然獨存重建併治平寺萬曆

昌化縣志洪武初僧宗圓廣佛宇僧室今盡火之

住持紹旻同行僧祖賓芳繻協力鼎新宋吳玠詩地占金山

勝泉分銀漢流杉篁能護翠猿鶴似驚秋秣憶登臨晚寧辭取次游列峰饒遠秀不惜上高樓

大明慧照寺 咸淳臨安志在縣西八十里唐大中

三年建初鹽官悟空禪師開山在大明山上前有

鷓子峰崑崙巖神鸞峰白蛇巖後有瀑布泉經兵

火徙山下十里即今院是也治平二年改今額成

化杭州府志元祐中無畏禪師與二蘇遊留題云

手裏筇枝七八節石邊松樹兩三株聞來不敢多

時立恐被人偷作畫圖元末寺燬重建併治平寺

萬曆昌化縣志今住持直濂行僧寂然更新康熙

昌化縣志 崇禎間僧凌虛復砌建於巔今燬

宋績溪令

蘇轍送無畏禪師還大明山詩身老與世疎但有
世外緣五年客江西掃軌謝往還依依二三老示
我馬祖禪身心忽明廣不受垢污纏偶成江東遊
欲別空凄然緣散衆亦去飄若風中煙華陽本荒
邑緇素明星懸璉公善知識不見十九年我昔未
聞道問所以入門告我從信入授我青眼篇冉冉
百丈松起自一寸根南歸髮盡白尺書今始傳不
知鄰邑中乃有門人賢百里走相訪觸熱汗雨翻
懷中出詩卷清絕如斷絃空齋默相向欲語不能
宣未暇答佳意歸錫鏘金鑲空有維摩病媿無維
摩言王守矩初夏入慧照寺時正新霽詩二首獨
遊尋古寺策杖入仙鄉溪水澄苔色山花發野香
晴烟蒸斷碣雨氣濕斜陽頓悟皈依地鹽官古道
場清和當首夏到此愜幽心事遠人踪少山深樹
葉陰飛泉懸絕壁古木駕危岑誰是高陞處但聞鐘磬聲
今分建大明山麓

○ 普濟寺

嘉靖昌化縣志在縣西七十里龍塘山元

至元十六年道人明瞻開山後鎮南王以瞻治母

如病有異術親為落髮賜號龍巖和尚廣濟妙通

禪師賜鈔買山建寺額曰普濟賜金襴袈裟古銅

爐一瓶二金字蓮花經龍巖示寂王復命破衣禪

師梵淳繼之寺前有石門後有石洞龍湫聯屬幽

絕之境也至正末寺燬於兵

成化杭州府志所賜金字蓮經及爐瓶尚

存復建併

洪武二年僧濟澄於山下二十里演下

村建佛殿僧舍萬曆昌化縣志萬曆四十二年行

僧寂音寂寧寂宸普聖慧炳協力重建正殿及祖

師殿共三堂康熙昌化縣志順治九年邑令李之

蕢延僧淨柱改建叢林邑令魏墀普濟寺詩精藍

等倫石丈老人呼未去繡衣開士貌常新魚跳龍

池珠漱灑鹿遊仙洞玉嶙峋此日簿書因小暇漫

題短句破苔茵章學瀚遊龍塘山詩幽尋何處是

雲外數聲鐘洞古松杉老崖危薜荔重珠林錫避

鶴寶地鉢藏龍他日名山誌應留玄度踪

龍興寺成化杭州府志在縣西北六十里千頃山

上唐元和間黃蘗禪師避寇居此禪徒輻輳千頃

山之名聞於四方後有楚南師者乾符間來住此

山僖宗聞其道風賜以鹿胎裙水火珠及慈雲禪

寺額宋天聖初僧惠新移建於山巔龍潭之上仁

宗改賜龍興額具見邑人宋給事章鑑所撰寺記

元末兵燬洪武七年旱甚縣丞胡濟川往龍潭禱

雨甫投詞而雨大作三日而止遂獲豐年山下舊

有箕山廨院以待雲水往來者復建併治平寺嘉靖

昌化縣志僧希萬曆昌化縣志住持芳紘重修於
顏結廬修葺萬曆三十七年康熙昌化縣志明季復燬順治十
八年僧了禪等重募建康熙三十六年僧心週等

復分建於下三都白牛橋左

徐學龍宿千頃寺詩
野寺孤雲暗空庭莫

景殘梁懸中路淺木落向時乾夜靜聞鐘
徹霜清秉燭寒冥懷何處寄千頃正憑欄

普向寺

咸淳臨安志在縣南五十里舊名回向廣

順六年吳越王建院後有佛跡山始獵者見神人

雙跡於雪中因名佛跡宋治平二年改今額

鄭君平詩

地勝開金刹公餘一訪尋泉傾洗石面雲出罩臺
心谷鳥趨禪座山神聽梵音清風行號令不許有

塵侵成化杭州府志元末燬併治平寺嘉靖昌化縣

志洪武十一年僧益圮重建萬曆昌化縣志萬曆

三十九年真詮如森心月等重建鼎新

法興寺

咸淳臨安志在縣西四十里天福三年建

吳越王名爲吳興院治平二年改今額成化杭州

府志元季燬併治平寺嘉靖昌化縣志洪武十九

年僧宗福重建昔朱柳王紹芳及曾孫元進士東

巖天錫諸善信施寺田若干畝陳正巳記弘治間

朋溪王杞捐金贖寺田十畝潘邑簿安記石萬曆

昌化縣志住持圓桂行僧明銓於萬曆三十五年

重建康熙昌化縣志順治初潘欲昇等重建康熙

六年潘之潤復助修葺

○ 鷲峰寺 咸淳臨安志在縣西五十三里邑人俱胝

道者居之號性空大師大曆二年捨宅為寺賜名

龍山治平二年改今額院東揖白潭山相傳性空

大師曾留大石鐘閣於山半扣之則鳴音合律呂

後溪漲失鐘所在 成化杭州府志元季燬併治平

寺萬曆昌化縣志 洪武五年僧宗海重建嘉靖間

陳文象捐寺田八畝今遭燬住持圓智等苦募重

建 宋林孝雍詩憶昔俱胝舍嵐光翠湫侵金週山

界斷紫碧洞天深有斐瞻淇澳忘機學漢陰寥

寥千古意瑤瑟有遺音方策鷲峰後房詩遠公高

隱地結宇傍山根新月窺禪室閑雲鎖洞門巖深

晴亦雨竹暗曉常昏待入通幽處莓苔襯履痕全

○ 澄寂寺

舉鷲峰寺後房題壁信步嬉游過上方因循小

開寶三年建後有磐陀石其大如屋脊二三十人

名不疑菴菴後有虎威巖 詹覺不疑菴詩巨石勢

女媧煉不受祖龍鞭促膝無餘地蒙 治平二年改

頭莫問禪聖凡歸一致荆棘肯生田 今額 成化杭州府志元季燬萬曆昌化縣志萬曆

三十一年行僧性空性瞻重修 康熙昌化縣志泰

昌元年僧慧初復整 釋世音石室寺詩翠護禪林

峰秀竹迎烟出幾樹枯松帶月來瀑布巖空長噴
玉磐陀石老半含苔遊人忽破尋仙夢雙鶴孤雲
任往回葉蕃遊石室大雄問月詩突兀雄峰勢插
天高攀絕頂快飛仙縱觀嵐影千崖合俯聽溪聲
萬壑傳玉宇無痕雲已盡金波初動月方
前不知清映山僧外曾照人間幾缺圓

龍泉廣福院

成化杭州府志在縣西北二十里唐

上元二年建有龍湫石壁峭立飛泉自山巔瀉下
成泓莎草周覆前有石壇爲禱旱之所宋紹興三
十二年賜今額元末燬廢萬曆昌化縣志洪武初
僧妙齡重建嘉靖丁酉僧圓慶明讚更新邑人姚
文貫捐寺前後山田各二畝以贍之傳今住持性

隆性曜寂賢於萬曆戊申添建觀音大殿康熙昌

化縣志順治初僧心衛等復建

余若思龍井寺詩
策杖投寒寺疎鐘

逐晚來暮烟迷古洞殘篆沒深苔虎踞巖前
石螭蟠壁上梅新詩寄明月五夜筆花開

百丈廣福院

咸淳臨安志在縣西二十里舊名寶

勝開寶七年建熙寧元年改壽聖院紹興三十二
年改今額成化杭州府志元季燬併治平寺萬曆
昌化縣志有雙峰軒洪武十年僧如安重建行僧
如繡等重修於萬曆年間

車闔院

萬曆昌化縣志在縣西北八十里唐黃蘗

禪師建正統二年僧慧堅重建前令以此院住持

非人召千頃行僧顯瑜兼攝焉故又名車闔寺陳秉

謙早發車闔院詩峯峯悉模糊曉霧蔽林麓山深

覲日遲幽光出巖瀑衆鳥咸鼓音酬唱伺曉旭行
早衣袂潤野徑但樵牧樵牧相與言誚
我何躑躅不知吾所懷宵然入綿邈

戒嚴院 萬曆昌化縣志在縣西北九十里唐性空

禪師建正統五年僧如海重建萬曆二十九年住

持正傑募新都汪道昆撰文併建後僧願隆整編修

吳應賓戒嚴別院記黃蘗大師應相國之請於宛
陵瓶錫所經輒爲名利金昌邑治龍興寺是其一

也在北鄙者爲慧空禪師之戒嚴院我朝正統間
性空上人克新其宇形勢不協梵衆寂寥萬曆壬

午方邑侯洵以疆理之域迴車周覽得善地於院
左側數里負石如屏環流如帶蜿蜒馴頰迴向而

揖翔舞當前作雲來聚廣輪平衍雅稱招提左控
右巖神鏤天繪覆者如偃月蓋飲者如長虹如象

王鼻踞者如獅子髯而雨者如龍立且飛者如鸚
鵡點綴而華者如寶纓絡去地而浮紺綠朱丹作

羅網形者如菩薩座雲能以飛梁幻大悲像善才
合掌立師子顛下方諦觀可謂飛來洛伽地居香

海方侯曰此堅牢神所以奉三寶也屬住持比正
正傑圓明募置蘭若聽故院圯勿葺以新刹因之

也比正自剝染卽不樂與儔輩伍以巾瓶事天池
也

尊宿遊新安汪司馬道昆與爲方外交諸所津梁
必居上首一時檀宰如江中丞東之范方伯涑邵

都諫庶金光祿源爭輓其轂癸巳鳩工寒暑十易
而門殿堂寮樓居輔舍巋然煥然丙午應賓入歛

成聖僧菴集飛錫扶筇相視而笑明年歛余丈室
旣所欲請予方慚於兩涯而無能謝重繭且方侯

予鄉先進也乃賈餘勇爲比正說影像三昧夫人知影之爲影而不知形之爲影也形之爲影惡乎鏡之曰鏡之以無鏡鏡無鏡者自毀自縣自蝕自明自聖自凡自果自因所謂自者無所從來無所至去諸佛之所不能淨五濁之所不能垢無始之所不能故窮劫之所不能新山原之組織雲石之幻怪棟宇之璀璨緇素之瞻仰名相之楷印實惟君侯比正宰官居士大圓鏡中清淨行願之所影現治且包太虛治衆形可會萬以爲一可傳一以爲萬旃檀之薰水乳之合於是乎在歸而問諸普門石鸚鵡故當點頭情與非情一一皆出廣長舌相說此三昧盡未來際其奚取於摸象之言

梵安院 **萬曆昌化縣志**在縣南二十五里石筍山

晉天福七年僧德照德榮建元末燬洪武初僧德福重建名梵安寺住持性容鼎新康熙昌化縣志

崇禎十一年僧觀虛重建吳珩詩山腰小徑細如繩山鳥關關喜弄晴黃

菊有情留客醉白雲無事伴人行野流合處堪分字草藥枯來莫問名回首渡頭詩思逸漁舟一笛晚風清方壘遊梵安禪院詩寂寂村南路蕭蕭翠竹陰華龕番像古鴛瓦昔耶深霜色先歸樹蟬聲尚集林維摩儘疎 懶松菊獨關心

普照院 **成化杭州府志**在縣東南青山之麓宋紹

興中建昔里人遇仙得詩云四山風水足惟有巽

峰低若造寺與塔人烟大整齊以故建之下有僧

院曰普照今院燬而塔存萬曆昌化縣志今稱南

塔寺邑令馬逢伯重修後令涂勳重修鐘樓帖委

治平寺僧明愷重建大殿嘉靖二十五年邑民畢

惟良等捨建觀音堂五間在大殿後康熙昌化縣

志康熙七年七月雷擊塔頂塔亦損其半云邑令涂銓

修建南屏塔碑記余令浙之唐昌自丙辰冬下車

觀山川之盤紆風氣之樸茂竊意杭為古都會地

昌隸杭郡聲名文物與武林佳勝合有同風乃人

文科第遠不相逮何歟攷諸邑乘詢諸故老縣治

拱南屏其巽峰山勢據形家言宜加培聳自宋熙

寧中造有浮圖以振起之越數百年至本朝康

熙丁未秋忽雷震其頂塔遂漸圯地方亦遠不逮

昔云余聞而慮之邑人士亦屢為陳說議圖修建

余謝不遑蓋昌處浙之西鄙自康熙甲寅歲遭鄰

氛蹂躪之後井邑蕭然余蒞茲土目擊民生凋敝

雅欲息事寧人用甦民困兼值軍務孔亟拮据靡

暇以故未遑且自余受事來修縣堂以完公廨葺

文廟以崇聖域他若建蘇亭以續前賢之風

流造城樓以壯風疆之保障工作亦云繁興猶以

所費尚約獨力行之若此塔傾圯業已多年則其
修舉也自非一朝一夕之事一手一足之烈故不
禁逡巡而中止乃邑人士之憂深慮遠者惓惓以
塔之典廢關邑之休咎力請修舉余身任他方誼
難固辭爰集邑中紳衿里耆詢謀僉同決計舉修
向新安延塔師計工程定規畫約計磚瓦木石工
匠犒酬之費需千餘金每都擇任事生員二人置
簿勸輸樂助者眾自戊午秋朔始報竣於庚申之
冬盛事告成而余適逢行取大典荷特恩內召
邑人士咸嘖嘖稱異在余以風塵外吏苦守巖疆
今日者邀聖天子之寵命此實盛朝高厚殊恩
微臣知遇慶逢千載良有天幸寧由七級浮屠致
此福利而機緣相值境會符合大功成而咨取至
卽以為地靈之助亦所允宜何必謂形家之論不
可信竟置而弗道也夫以余官斯土而美報大驗
已身致之則他日唐昌人文之蔚起科第之蟬聯

昌化縣志 卷之九 藝文志 碑記

地方之蕃庶豐阜自可豫爲決之而信其理之必
然復何疑者于是援筆爲之記用紀盛事且兆休
徵云又塔成紀盛詩四首執掌風塵閱歲寒猶將
綿力壯奇觀期從封域留名勝不憚經營有苦難
七級浮屠成頂禮千秋大業慶彈冠工成我適恩
榮去幾度攀躋典未闌古栢松篁小隱林巍然結
構此登臨風清鳥道天來憩雲映珠櫺客度森百
里巖疆憑砥柱一峰文筆綴辰參公餘結侶同疑
眺攬勝好攜鶴與琴風雨飄零幾歷年一朝修舉
構奇緣度幾美盛今猶昔敢謂勤勞我獨賢登眺
俯窺雲霧窟乘槎擬汎斗牛邊從茲缺陷銷山國
不數女媧石補天壘嶂層巒帶四封屹然一塔峙
城東因循自昔如相待初建從今立奏功鈴鐸風
清天漢表烟嵐翠浥白雲中好將傳語都人士鵬
路先階咫尺通章勗遊南塔寺詩一塔凌空界登
臨心地清東流雙澗合北望萬山平僧隱雲常護
人遊鳥不驚歸途頻側耳林外度鍾聲戴弁陪邑
侯涂北石遊南塔寺詩平埜秋光漾碧溪招舫呼

酒客相攜遠峯擁翠添新色絕壁開雲出舊題虛
閣凌空山更迴輕烟帶樹影偏低好憑佳景酬嘉
宴爛醉西風策馬啼許珽前題金風初動葉飄丹
極目清波正渺漫登賞興濃嫌力疾居幽情逸喜
飛翰入簾明月開樽待逼檻疎梧對面看俯仰乾
坤期自得紛紛塵事不相干邑令康萬有南塔寺
詩看山隨意宿僧房三世精魂一姓香白日有人
忙下界紅塵無客到西方浮屠倒照高低影舍利
長懸晝夜光我現宰官能說法不須膜拜媚空王
徐正矩春泛雙溪登南塔寺詩山南春閣住共泛
木蘭舟背市一篙遠中溪兩岸浮林平疎雨宿石
險斷雲流豁目龍宮上渾疑入斗牛錢塘陳晉明
南寺浮屠詩古塔峯頭見烟林年代遠白雲猶起
處碑是昔人題錢塘周龍驤登南屏塔詩古寺城
南曲徑幽歸遲迤邐上林正半龕雲氣苔應濕一
塔波光影欲浮石鼎篆生青佛眼祗園樹老白僧
頭我來躡盡危梯級眺望留題亦勝遊童兆詰遊
南塔寺詩何處尋幽境登臨愛此山菴荒積翠暗

塔聳插雲閒鳥語平崗靜溪深隔
樹還儻然塵世外俗慮總除刪

慈濟院 成化杭州府志在縣西三里鳳凰嶺下舊

有道菴菴側有義井宋慶元年間邑令周堪撥漏

澤園餘地斥廣菴基且結亭井上命道者守之使

行者夜可破暗晝可甦渴邑人給事章鑑為記元

至元中置僧綱司於此末年院燬僧去面過者猶

指義井為周令尹之遺蹟云萬曆昌化縣志今僧

照明募建菴院

紫龍院 在縣東五里杭橋頭邑人余有庠建併助

田十畝

紫雲院 在縣東北三里僧化日建陳大椿紫雲禪院碑記吾昌萬

山環翠上介新都分黃山白嶽之奇下交臨水翼
龍蟠鳳翥之勢凡秀氣所鍾悉成名勝雖唐宋以

還治平石室龍唐武隆朔闢恒有然山川之靈亦
有不肯盡洩者如 國朝之有紫雲禪院是也紫

雲之山距縣東北三里康熙四年乙巳武隆僧化
日見其峰巒傑出下瞰溪流乃披榛覓路於山半

得一平窩跌坐之餘有巨蛇盤繞其下遽喝曰梵
刹可與汝當速去蛇亦隨逝因建佛宇三楹但諸

務草創當圓寂時猶諄諄致屬焉迨丁酉歲其徒
孫寬義力為恢擴門寮殿舍始因弘敞之規殿後

累石為臺蒔名花異卉四時不絕遊人題詠頗多
院東偏曰船均其山四旁敦阜中分如澗可知山

川間氣發洩有時倘非化日寬義相繼振興不長
為曠莽之墟耶乾隆丁巳寬義請予言勒諸石遂

握管擗辭以告夫將來之似續宗風者建德宋楠
游紫雲院贈僧聖文詩負郭佳山近可尋黃泥嶺
菊欲爭金世界秋風遙振海潮音趙州茶味真禪
定倦倚蒲團數過禽山居原是病維摩種樹聊爲
郭橐駝但令有柯都屈曲總來無葉也婆娑一絲
細蔓垂丹柿滿徑長松裊綠蘿隨處拈來成一笑
不須天雨散髮陀子非慧遠我非陶子酌清泉我
濁醪客不繁文真是達僧無世法儘稱高崖栖已
攬中峯勝井汲仍嫌阿段勞更與疏通山脈出笑
看竹筧落飛濤半世清修似老農相逢且免話南
宗試看一帶雲間樹盡是當年手種松院靜偶聞
霜葉墮徑危時有石苔封祇應
下界炊烟色遙爲山樓度晚鐘

塔山院

萬曆昌化縣志在縣西九里正統九年僧

瑞昱重建康熙昌化縣志順治八年僧大願重建

淨巖尼院

咸淳臨安志在縣西四里舊名永安治

平二年改今額成化杭州府志元季燬廢

明因尼院

咸淳臨安志在縣東二十里舊名泥郎

院建隆元年建治平二年改今額成化杭州府志

元季燬

福全尼院

咸淳臨安志在縣東北五里天福二年

建錢氏立院額成化杭州府志元季燬

按縣志歷來皆作福泉福泉山在縣西南五十里院不因此可知今從宋志

清修尼院

咸淳臨安志在縣南四里舊名招賢天

福二年建治平二年改今額成化杭州府志元季

燬

高菴 萬曆昌化縣志在縣西北八十里峻嶺崎嶇

遙隔烟村三十餘里方得寄食供茗都間人民往來苦之乃延百丈寺行僧性粲募建菴堂以濟飢渴

水竹菴 萬曆昌化縣志卽水竹堂縣西北山東道

御史余敏之業子伯昌建菴祠於山頂曾邑令扁之曰奉先啟後四圍蒼松翠竹曲徑盤旋清幽可

玩菴有救苦大士靈顯一方居民進香絡繹古誌悉載刪於嘉隆後裔余一孝等有水木之思鳴令請誌可謂尊祖敬宗不忘所自者也

結笠菴 萬曆昌化縣志在縣北五里

泥晶菴 萬曆昌化縣志在縣東南五里許

彌陀菴 萬曆昌化縣志在縣東南十五里

昭昭菴 萬曆昌化縣志在縣西十五里 武林王進士昭昭菴

記縣轄之西十五里有峯昭昭維石巖然聳立名曰駝塢軍山左脈鄰於鐵礮巖右脈接自龍塘山其源甚遠其勢最峻古唐誌曾附載之不知因何纂修竟畧於宋因而我明亦沿習不錄焉先朝統

彙所誌蓋奇傳此中有仙洞仙巖嘗有異人一二
群童顏鶴髮吟咏逍遙每與樵牧子對偶閒談而
樵牧子竟不問爲何如人也一日樵牧子復尋故
道採薪仍邁會曩昔異人談笑吟咏如故且將詩
章授樵牧子夫何樵牧子如入夢中所授仍不問
姓名并所授何言攜歸與書生輩閱之乃題此中
仙景詩句也彼卽上聞邑主隨簡縣誌博按缺載
未入厥後奉行纂葺者恍惚疑似亦未敢盡信姑
置不述今日者有古刹高大明舍利子明法嘗夢
遊於此山儼若昔日樵牧子所遇異人趣味一旦
苦行清修募白鏹若干緡鬻民人徐姓物業東西
界大路南界彎心北界橫路築爲淨室禪龕以供
貝葉於是備述其景象乞邑主吳附誌傳邑主曰
洵哉奇景乎誠足以綴斯邑之景色矣矧此中有
仙洞仙巖爾舍利且構菴於中恍與古誌相符歷
稽所傳昭然可見遂題名曰昭昭菴寧獨揚於一
時更永記昭明之法界而因完舍利子清淨行也
乃發局纂入誌之并錄仙詩入藝邑令康萬有題

昭昭仙巖詩孤峯百尺高插天壁立似礙星河旋
雨來漫擬蛟龍掛日霽真疑蟬螻懸幽人卜築自
仰止捲簾時對風雲起五嶽何須作浪遊海上三
山空萬里又五律洞口封蘿薜溪門跨石梁數家
流水上一徑曲籬旁山折路疑盡花深鳥自藏居
人垂白髮猶爾說秦皇又七律百折丹梯問赤城
仙人騎鶴漫吹笙瑤壇半向峯頭出絳節頻看霧
裏行玩世敢云成傲吏尋山真自媿浮名十年潦
倒江湖色華髮
秋風感慨生

壽春菴

萬曆昌化縣志在縣西北二里許

武隆菴

在縣北一里

邑令周頌孫武隆蘭若詩結
宇依崇阿登臨近日和庭閑

峯色靜石砌柳陰多未解投簪綬長懷憩薜蘿乘
春聊自賞攜瑟就鶯歌進士崔誼之隆山靜室詩
白雲寂歷臥空山作屋繩牀異世間跌坐維摩還
似病到門元度可能閒松風謾謾爲翻貝鳥語聲

聲叫閉關未上武隆最
高頂玉壺何日更開顏

壽社菴 在縣北一里

欠嶺菴 在縣西北六十里與百丈嶺相聯里人募

建助田以便行人

龍泉菴 在三峯山

佛子菴 在縣南八里

副竹坪菴 在縣南十里

萬緣菴 在縣南二十五里大柳上行人賴以憩倦

仙鶴菴 在十二都許太義等建

毘盧菴 在縣南十五里河橋西

宗古菴 在縣南二十五里首塢梅道者流寓建邑

令劉宗向題曰靈機獨露胡瀚宗古菴觀荷感舊
二首重遊宗古探芙蓉渠

物在人亡起嘆嗟臥柳幾株遺手植靈機一匾見
親書小橋池上今無板曲徑門前只有茹舟子招
招魂不在荷花迎客轉踟躕石城梅子舊時廬曉
入淒涼霧濕裙風葉招魂神彷彿露花送客淚沾
濡幾株古桂侵霜在無數幽禽伴月居
惟有故僧零落盡池蓮空自出泥淤

翠雲菴 在縣南二十五里赤石胡姓建

渡登菴 在縣南三十里下余

竺雲山菴 康熙昌化縣志在縣南三十里何上坪

宋遺蹟也千山之頂徑路紆險崇禎丁丑石室寺

僧如蓮力募鼎葺乾隆丙辰燬如蓮孫淵志重建

董嶺菴 在縣南四十里庵下有石亭楊姓建

洪嶺菴 在縣南四十里

拱秀菴 在縣南五十五里童姓建

松柏菴 在縣南七十里塘溪源

擁翠菴 僧爾範募建

石嶺菴 在縣西二十五里新溪坑

四顧坪菴 在縣西三十里朱柳高山

白嶺菴 在縣西七十里嶺高十餘丈與欠嶺菴遙

相映照奇峰環繞曲水潑洄足供覽賞

新高菴 在縣西六十里百丈嶺巔崎嶇僻靜古建

有菴以便行人明季燬廢康熙庚子里人帥瀨重

建併助田五畝

銀瓶菴 在縣西九十里荆洲又名小九華章勗荆洲銀瓶

菴再過詩雅意欲追奇呼童戒祖兩高從百丈巔
俯瞰千層嶂水濺落銀光山合迴瓶吭左巖衝瀑

布右巖翻石浪中有翠嶽峙亭亭鏡兵仗屯雲蔽
林趾朔風蒸蘭蕪幽嶙伏重陰逸翮巢深篳一至

狎桃源再至欺雁宕長揖赤松侶問
道洪崖閱慰我延年術千載長放曠

道場坪菴

康熙昌化縣志在縣北四十里黃花關

界連寧國南北至巔崎嶇皆十餘里肩販絡繹向

止茅亭一椽殊艱宿食寒暑尤苦 國初僧觀如

募建瓦屋邑人余有庠領袖捐助前後庭楹成構

邑衿帥承宣捨小嶺頭田壹拾貳畝永資香火僧

以漸募砌山徑往來稱善勒石坪上

吉祥菴

康熙昌化縣志在縣西北五里旌德僧清

虛募建

東目菴 在縣東南四十里

清風菴 在縣西五十八里僧道源建菴募砌昌徽

大路四十餘里往來稱便

迴風菴 在迴風嶺不知所始順治辛卯兵燬康熙

甲辰邑耆潘欲昇為僧了禪重建

續溪汪瑋迴風庵記吳昌諸山

上接縣源下聯天目實武林天竺風篁之祖其岷

巖絕壑奇嶮迂迴為杭諸邑冠大都古樹盤鬱怪

石凌空鬼削神斤虬蟠雙曲不可名狀顧幽邃窮

荒人跡罕至而緇流羽士多以僻靜見收結茅其

上好事輩又往往樂成之其山之最勝在西北道

曰千頃由麓升三十里許山有龍潭廣可數百畝

昌化縣志

卷九

四

杳無人烟經其道者輒休息無所暴風至則析瀝
蕭颯雖盛暑多至股慄僵仆嚴冬益可知矣其東
道所經有嶺曰迴風為諸道之會四壁叢窄萬竅
怒號尤甚舊有菴為息影地順治辛卯兵燬故邇
來登躋益艱視為畏道今甲辰夏有僧了禪者發
大願力謀新千頃舊址請于默齋潘翁翁凜然而
悲往勸其事集材鳩工凡兩越月而工畢復為置
衾席若干茶鐺食金之屬具備擇僧而主之俾可
宿可食要于行旅稱便而止翁之施實溥矣翁賦
性敦敏學行超軼雖澹懷仕路而邑有義舉恒以
身先其次子諱之潤者又多翼而贊之尤樂施子
有時先意承志靡不如所欲為故能周密而成速
如此今斯嶺不有斯菴則寒飈奮發其為所肆虐
又不知幾何矣乃今之登斯嶺者風境不殊而畏
思之懷頓異殆真能以人事勝造化者也視彼貝
闕珠宮輝煌金碧麗則麗矣止於崇清淨媚釋迦
費雖奢而無補于世君子不取然則默翁見地之
超濟人之功與嗣世之繩繩相繼而未艾不皆於

茲菴見之乎翁姓潘諱
欲昇默齋蓋其號云

紫微道院

嘉靖昌化縣志在縣東一里紫微嶺元

祐庚申達魯花赤義德寧國禮建殿以祐聖名奉

真武神也元末燬于兵

王應午紫微道院碑銘奕
奕新祠忠翊所署紫微之

山秀鍾且聚儼然在上曰帝真武虛危應宿輝燭
區宇濯濯厥靈實司下土公有善政惟帝慈輔邑
有髦倪惟帝慈祐帝之惠公攸始攸終公之事帝
以欽以忠前彼武當後此武隆環邑十里時和年
豐家國咸寧福祉無窮自公之出甫及千日人莫
不頌頌聲籍籍罔俾漢史專美於昔予為公書刻
諸茲石

上清宮

在縣東南一里宋紹興元年余大辨建八

年請上清宮舊額元至正末燬明洪武五年重建

嘉靖四十五年令華文甫遷儒學尊經閣之東崇

禎二年許承鸞重建舊址後水圯子士俊復葺乾

隆九年水又圯明大學士袁煒嘉靖丙申講學上清宮漫興詩仙宮聊寓跡清景步

秋蟾繞屋簷低檻當門塔倚天桂香浮茗椀酒味洽蔬筵滿目雙溪水潺潺代管絃

宗源宮 嘉靖昌化縣志一名桐塢宮在縣西南七

里白山後元邑人何子西建元末燬於兵

真聖觀 嘉靖昌化縣志在縣西一里舊為祐聖廟

元初改觀賜額元末燬於兵今為城隍廟

昌化縣志卷九